

सानसेयारि "बड'सा" ख्रौरालाइयाव
समान्यारि जिज्जो लोब्बा थानाय रायथाय, बन्थाय,
सल', सल'बाथा आरो दावबायारि थावनि, पार्क
बाइदिनि स्यायव लिन्नाय लिन्बिबां दैथाय हर/
सानसेयारि "बड'सा" ख्रौरालाइया सेवस्रानानै
फोसावगोन।
बड'सायव लिन्हरनायनि हुबा खालाम,
"बड'सा" ख्रौ नोथो, जौ बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड'सा

बन्द फोसावनाय
हादतनि 77 थि उदांस्त्रि सान फोबोनि थाखाय
सानसेयारि 'बड'सा ख्रौरालाइनि मावखुलिया 15 आगस्टआव
बन्द थागोन। बेखायनो 16 आगस्टनि 'बड'सा' विसाना नुजानाय
नडा, उननि विसाना 17 आगस्टनिफ्राय सिगांनि बादिनो
नुजालांफिनगोन। लोगोसे हादतनि उदांस्त्रि सान फोबोनि थाखाय
'बड'सा फोलेरनि साप्रोमबो मावफारिया आरो हादतनि गासै
सुबुंफोरनिमिम गाहाम हामब्लायहरनाय थाबाय।
फोसावगिरि/दिहनिगिरि
सानसेयारि 'बड'सा
जोहोलाव दैमालु लामा, माइबां नोगोर, कक्राझार

BODOSA ★ A Bodo News Daily ★ Tuesday ★ 15 August, 2023 Kokrajhar, BTC, Assam ★ Vol.- 33, Issue No. 142 ★ R.N.I.Regd. No. 40994/91, Assam Govt.Regd.No.IPRD.40/2006/3, ★Rs.8/-

कक्राझारआवबो 77थि उदांस्त्रि सान फालिनो साखा-फारा



कक्राझार, 14 आगस्ट: गाबोन 15 आगस्ट, हादतनि 77थि उदांस्त्रि
सान। थानाय 1947 माइथायनि 15 आगस्टआव भारत हादतआ उदांस्त्रि
जानायनि उनाव गाबोन 15 आगस्टखालि 77थि बोसोरव आगान
होसिगोन। सिगां बोसोरफोरनि बायदिनो वे बोसोरवबो हादतनि उदांस्त्रि
सानखौ दुलायय भारतनाडे बायदि बायदि हाबाफारिनि गेजेरजो गाजा-
गोमजायै खुंफुनो थाखाय साखाफारा जानायखौ नुनो मोन्दो। बेबायदिनो
दुलायय हादत आरो आसामनाडेनो (□ 5 बिलाइआव)

भारत उदांस्त्रि साननि सिगां हादरगिरिनि बिबुंथि माहारियारि सिबिथायनि गासैबो बिथिडाव आइजोफोरा गोबां बिहोमा होदो: द्रौपदी मुर्मु

गोदान दिल्ली, 14 आगस्ट:
भारतनि हादतगिरि द्रौपदी मुर्मुआ
77 थि उदांस्त्रि साननि बुब्लियाव
हादतआरिखौ साबायख र बाउनानै
बिथाडा गावनि बिबुंथिखौ
जागायहोदो। बिथाडा बुंदोदि, बे
सानआ जौ बयनिबो थाखाय
गोगाथाव आरो गोथार थासारि।
सोरगिदि फोबोनि थासारि नुनानै
आं जोबोद गोजोन्याय मोन्दो।
हादतगिरिआ बुंदोदि, उदांस्त्रि
सानआ जौखौ गोसोखां होयोदि,
जौ सासे सुबुंल' नड, नाथाय जोडे
मोनसे एरबायदि गेदेर हरियारिनि
बाहागोयाव दड, जेराव गावसोरनि



बयनिखुइ गेदेर आरो जिउ खानायने
जाया हारि। बेयो मुलुगनि
बयनिखुइबो गेदेरसिन

सुबुंखान्थिनि नोगोरफोरनि हारि।
बिथाडा बुंदोदि, हारि, धोराम

गनायना लानाय सान्थो,
ओन्सोलनि राव आरो ओन्सोलनि
अनगायै, जौनि नख'यारि आरो
खामानि-दामानिजो लोब्बा थानाय
मोनसे नख'यारिबो दड। नाथाय
जौहा मोनसे सिनायथि दड, जाय
बेफोरनि गोजौयाव, आरो जौहा
मोनसे गेदेर सिनायथि दड, भारतनि
नोगोरारि जानाया हादतगिरिआ
फोस्मायदोदि, जौ बयबो बे गेदेर
हादतनि समान नोगोरारि, जौहा
बयनिबो समान खाबु आरो
मोन्थाय दड आरो जौनि

(□ 5 बिलाइआव)

बर' डाइसफ'रा फ'रामा 2023 माइथायनि सेथि विसान "दि बिडिएफ-लाइसि" बेखेवदो

गोदान दिल्ली/कक्राझार, 14
आगस्ट: बर' डाइसफ'रा
फ'रामा 2023 माइथायनि सेथि
विसान दानथामारि "दि
बिडिएफ- लाइसि," खो
13.08.2023 (रबिबार) इराजि
खालाराव अनलाइन गुगुल मिटनि
गेजेरजो बेखेवो। बे हाबाफारियाव
बर' थुनलाइ आफादिनि
आफादिगिरि ड' सुरत नाज्जारि
बिथाडा गाहाइ आलासि महरै
नुजफैनाय लाइसिखौ बेखेवो। हाबाफारिनि
आफादिगिरि पिनुयेल बसुमतारि बिथाडा
बराय बिबुंथिखौ लाखियो।
बिनि उनाव "दि बिडिएफ- लाइसि"
नि सुजुगिरि बिबि प्रसाद ब्रम्प
बिथाडा हांखानानै लाबोजानाय
गाहाइ आलासि बिथाखौ गांसे
गोथार आर'नायजो बरायो आरो
बिथानि सोमोन्दे आरो गोबां
समनिफ्रायनो बिथानि समाज
सिबिनाय, सोलोथाइ आरो बर'
थुनलायाव बिहोमा होबोबाय
थानायखौ बयनिमिमबो (□ 5
बिलाइआव)



राइज्योआव 5.4 गोखोथिनि बांग्रि मावदो

गुवाहाटी, 14 आगस्ट: गोखो
बांग्रि आ फिन सोमावगुलुदो
आसामखौ। दिनै हरनि 8.20
रिगायाव गुवाहाटी आरो खाथि-
खाला ओन्सोलजो लोगोसे राइज्यो
नाडेनो गोखो बांग्रि मावदो। बांग्रि
मावनायनि जाउनाव जेबो रेखोमनि
खहा जानायनि खौरांखौ मोनो
(□ 5 बिलाइआव)

राज भवननि मावखुलि वेबसाइटखौ बेखेवबाय

गुवाहाटी, 14 आगस्ट: आसामनि
राइज्यो बेगिरि गुलाब
चान्द काटारियाआ दिनै राज
भवननि अफिसियेल वेबसाइटखौ
बेखेवनानै होबाय। राज भवननि
जथुमसालियाव मोनसे मेहेर गोनां
हाबाफारि खुनायनि गेजेरजो
एनएइसए राज भवननि गोबां
मावखु'गिरि, विवानगिरि आरो
स्टाफ फोरनि नुजाथिनायाव
वेबसाइटखौ बेखेवनानै होयो
(□ 5 बिलाइआव)



कक्राझार, 14 आगस्ट: थानाय
1947 माइथायनि 14 आगस्टखालि
भारतखौ बोखावलायनायनि
गोसोखांथियाव दिनै हादतनाडेनो
'बाहागो रानसारनाय गिखांथाव
गोसोखांथि सान' फलिनाय जादो।
कक्राझार जिल्ला बेगिरि
मावखुलिनि लांगोनायावबो
जिल्ला खुंथायनि बाज्जायनायाव
दिनै बेलासियाव बे सानखौ
जाफुसारे फालिनाय जादो। बेनि
अनगायैबो गासैबो धोरामारि



आर'ज मेल आरो भारत बाहागो
रानसारनायनि सोमोन्दे मोनसे सुंद
सावथुनखौ फिसा खथायाव

दिन्थियाय जादो। मख'नो गोनांदि,
गासैबो धोरामारि आर'ज मेलयाव
कक्राझार शंकरदेव नामघर,

कक्राझार हनुमान मन्दिर, कक्राझार
टाउन क्लबा चार्जो लोगोसेनो
बौद्ध धोराम सिबियारि आरो
फु रहितफोरा बाहागो लादो।
मैलयाव कक्राझार नोगोर
आफादिनि आफादिगिरि मुस्लिमा
प्रतिभा ब्रह्मआ भारत बाहागो
रानसारनायनि समाव सोमजिनाय
थासारिनि सोमोन्दे बिबुंथि
होदोदि, 'बाहागो रानसारनायनि
समाव गाव-गावसिनि न' बां
(□ 5 बिलाइआव)

गासै हादतआरिफोरनिमिम 77थि उदांस्त्रि साननि गोबोनिफ्राय गाहाम हामब्लायथि जासिहरबाय

जय हिन्द

उदांस्त्रिनि बे अमृतकाल-
हादतखौ गोदान बिथि
होनायनि मोनसे खाबु। उदांस्त्रिनि
बे अमृतकाल-जोबनाय
गैयै सिमां आरो हाबिलाखौ
सुफुंनायनि खाबु।

- नरेन्द्र मदि

फुनि 6:15 रिगानिफ्राय दुरदर्शन नेटवार्कआव लालकिल्लानिफ्राय उदांस्त्रि सान फोबोनि थौजोडै फोसावनायखौ नाय।



सुजुगिरिनि खोलोम

हादतनि 77थि उदांसि सान फोर्बो

बोसोरफ्रोमबो 15 आगस्ट सानखौं भारतआ गावनि उदांसि सान फोर्बो महरे फालिबोदो। बोसोर 1947 आव बे सानखालिनो भारत हादतआ ब्रिटिस राजा खुथायनिफ्राय उदांसि मोन्दोमोन। बे सानआ साफ्रोमबो हादतआरिफोरनि थाखाय गोम्गाथाव सान आरो बे सानखौं दुलाराय हादतनाडे बायदिसिना हाबाफारिजो गाजा-गोमजायै फालिनाय जायो। बे साना हादत उदांसि मोन्नायनि रंजाथाय फोर्बो जे जाना थयाखै, हादत उदांसिनि थाखाय गावसोरनि बेसेन गोसा जिउखौं बाउसोम लांनाय उदांसि दावहार जाहोलावफोरखौं गोसो खानायनिबो सान जादो। गुबैयै बे सानखालि हादतनि गाहाइ मन्थिआ लाल किल्लायाव माहारिनि फिरफिला बिरहोनानै उदांसि सान फालिनाय जायो।

बोसोरफ्रोमबो बायदिसिना हाबाफारिजो खुबोनाय बायदिनो उदांसि सान फोर्बोनि बे बोसोरनि थीमखौं 'आजादी का अमृत महोत्सव'जो लोगोसे 'नेशन फास्ट, अलवेज फास्ट, एबा 'रास्ट पहले, हमेशा पहले', थामहिनबा 'हादतआ सिगां, सानफ्रोमबोया सिगां'। बेराफासे उदांसि सान फोर्बो जे लोब्बा लाखिनानै हादतनाडेनो मिरु सरकारआ 'हर घर तिरंगा' एबा नख 'फ्रोमावबो मोनथाम गावनि फिरफिला बिरहोनाय हाबाफारिनि नैथि फोसावनायखौं जागायदो। बेनि अनगायैबो बे बोसोराव 'मेरी माटी मेरा देश' बायदि हाबाफारिबो खुनो लानाय जादो।

उदांसि सान फोर्बो फालिनायनि सिगां फुंबिलि समाव राजघाटआव माहारिनि बिफा महात्मा गान्धीनि खाम्पायाव मान बाउनायनि उनाव माहारिनि फिरफिलाखौं बिरहोगोन। हादतनि 77थि उदांसि सान फोर्बोयाव हादतनि सा 1800 जर'खा आलासिफोरा बाहागो लागोन। बेनि गेजेराव दर 660 बाइब्रेन्ट गामिनि सा 400 पन्सायत आफादगिरिफोरा बाहागो लागोन। बेनि अनगायैबो आबादयारि दिहुन्थाय आफादजो लोब्बा थानाय सा 250 सुबुंफोर, प्रधान मन्थि किसान सम्मान निधि योजना आरो प्रधान मन्थि कौशल विकास योजनानि 50-50 मुलाम्फायारि, सा 50 मावसोमग्रा आरो बायदिसिना बिथांखिनि सा 1800 मुलाम्फायारिफोरा बे उदांसि सान फोर्बोनि हाबाफारियाव बाहागो लागोन। उदांसि साननि बे हाबाफारियाव आसामनि सा 19 गुबुन गुबुन बिथांखिनि मुलाम्फायारिफोरबो आलासि महरे बाहागो लाहैगोन।

दिनैनि फाग्जामुधि

राशि बाइदियै मुनि गिबि हांखो

मेघ : अ ल बृष : ऊ ब (उ ए इ) मिथुन : क छ (ङ घ)
 कर्कट : ड ह सिंह : म ट कन्या : प ठ (ण ष)
 तुला : त र वृश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

- मेघ:** गोसोआव मानिबा दुखु मोनखानो हागौ। गोसो हमथानानै सोलिनांगोन।
- बृष:** माखौबा लानानै गोसोआव दुखु मोनखानो हागौ। सान्नाया जाफुनाय नड। गोसोखौं हमथा।
- मिथुन:** जैरेबो रंजा-बाजा खालामनानै थानो हागोन। फारफ्रोमबो मोजां। गोजोन मोनगोन।
- कर्कट:** मोजां रोगथिनि थाखाय मान मोनो हागोन। गोजोन मोनो हागोन। मोजां सान।
- सिंह:** माबाफोर सान्नाय थांखिआ जाफुनो हागौ। रंजा-बाजा खालामनो हागोन। मोजां सान।
- कन्या:** सोरजोबाफोर हिंसा खालाम जानो हागौ। जैरेबो सांग्रां जानानै थानांगोन।
- तुला:** सोरजोबाफोर सोमोन्दो गावस्त्रालायनाय जानो हागौ। जेखि जाया गोसोखौं हमथा।
- वृश्चिक:** सोरजोबाफोर गावस्त्रालायदो ब्ला गोरोबलायफिनो हागोन। मोजां सम।
- धनु:** माबाफोर मोजां खौरं खोनानो मोनो हागोन। गोसोखौं गोजोन मोनगोन।
- मकर:** दिनैनि दिनआव दुखुजो सैनांगोन। मावनाय-दानायावबो खस्ट मोनानो हागौ। गोसोखौं हमथा।
- कुम्भ:** जेखि जाया गोथार खामनिखौं मावको नाड। गोसो हमथानानै सोलिनांगोन।
- मीन:** गोथार खामनि मावको गोनां दड'बा मावनानै लानो हागोन। मोजां सम। गोजोन मोनगोन।

गोदान सोलौंथाय खान्थि 2020 (एन इ पि-2020) आरो बड'लेण्ड मुलुगसोलौंसालि

प्रह्लाद बसुमतारी

भारत सरकारनि सोलौंथाय बिफाननि दैदेननायाव हादोरनि गासैबो रन्जोफोराव गोदान सोलौंथाय खान्थि 2020 (एन इ पि -2020)खो जाफुसार होनो थाखाय जैरेबादि गोखोडे हाबाफारि लादो बे थांखिजोने बड'लेण्ड मुलुगसोलौंसालियाबो सोलौंथाय बोसोर 2023-2024 फरा समनिफ्राय मावफुनो लानायजो लोगोसे बेजो लोब्बा थानाय खामनिखौं मावकोबो आखायाव लादो। इउ जि (आन्डर ग्रेजुवेट) थाखोयाव थानाय वि ए, वि एस सि, वि कम बायदि आयदाखौं फरायनो थाखाय फरायसाफोरा फैगो गिबि फरायसाम (1st Semester)खौं माबोरै बजबनानै लानांगोन बेनि सोमोन्दै फनैसो लिस्नाय जाबाय। इउ जि (आन्डर ग्रेजुवेट) थाखोनि गासै स्ट्रिमनि मुं थिसननो थाखाय आसाम सरकरनि website आव हामनानै बेवहाय थानाय "SAMARTH" मुनि पर्टेलनि जोहै होखानाय खान्थि बादियै फरायनो गोसो जानाय कलेजखौं सायख 'नानै Entrance आनजादिनि थाखाय गासैबो फोरमायथिखौं बेनिफ्रायनो लानांगोन। फराय आयदानि फारिलाय (सिलेबास) नि बेलायाव मिथिनो मोन्नाय बादिब्ला गिबि फरायसमाव बिदिन्थि बादियै सोरबा सासे फरायसाया इंग्रजिआव मेजर लायोब्ला बे फरायसाया इंग्रजि मेजर आयदानि गांसे पेपारजो लोगोसे गुबुन आयदानिबो गांसे पेपार जैरे - ससिअलजिनि गांसे पेपारखौं माइनर आयदा महरे फरायनांगोन। बेजो लोगोसे AEC (Ability Enchancement Course) निफ्राय गांसे 3 क्रेडिट होनाय 50 नम्बरनि गांसे पेपारखौं फरायनांगोन। मख 'जाथावदि बे पेपारआ Language Communication Paper जाय पेपारआ आंगोलनि CBCS Curriculum आवबो दंफायोमोन। बेजो लोगोसे गिबि सेमिस्टरआव 3 क्रेडिटनि एबा 50 नम्बरनि गांसे SEC(Skill Enchancement Course) पेपार थाफागोन। फरायसाफोरा SEC पेपारखौं गावबा-गाव Honours आयदानि सिलेबासआव थानाय आयदानि SEC पेपारखौं लानो हागोन नडब्ला गुबुन आयदानि SEC पेपारखौं लानो हागोन। जैरे - Philosophy नि SEC पेपारआ जाबाय - "Professional Ethics and Insurance" आरो Sociology आयदानि SEC पेपारआ जादो - "Reading, Writing & Reasoning for Sociology"। बे मोननै पेपारनि जायखिजाया मोनसेखौं लानांगोन। गोदान सोलौंथाय खान्थि 2020 आव सरजावफानाय गोदान आयदाया जाबाय IDC (Inter Disciplinary Course) नि गांसे पेपार। बे पेपारआ मेजर आयदानि सिलेबासआव थानाय गांसे

पेपार। बेनि content फोरा गावबा-गाव मेजर आयदाजो गुबुन आयदानि content खौं लाफानानै बानायनाय जादो। जैरे - Sociology आव आइ डि सि पेपारनि मुड जाबाय - "Sociology and Education" बेयाव मोननैबो आयदाखौं लाफानानै गांसे पेपार दानाय जादो। बेखायनो बेखौं आइ डि सि बुंनाय जायो। गिबि फरायसमाव फरायनांगो जोबथा पेपारआ जाबाय VAC (Value Added Course)। बे आयदायाव मोनसे आयदाजो इंसिडरि ऑथिखौं मान होनायजो लोगोसे बेनि External Value खौंबो बिजिनानै समाजारि जिउ खानो हानाय बादियै External Value खौं दानाय जादो। जैरे - Philosophy आयदानि VAC पेपारनि मुड जादो - "Environmental Studies"। गोदान सोलौंथाइ खान्थि 2020 नि आरोबाव मोनसे होखानाय खान्थि बादिब्ला गिबि फरायसमाव SEC/VAC/IDC बे मोनथामनि जायखिजाया गांसेनि थाखाय SWAYAM नि MOOCs (Massive Online Open Courses) नि फरा आयदानि फारिलाइ (Syllabus)खौं फरायनांगोन। गोदान सोलौंथाइ खान्थि 2020 आव सासे फरायसाया बोसोरसे फरायोब्ला चार्टिफिकेट कर्चनि मान बिलाइ मोनगोन नाथाय बे फरायसाया गांसे 2 क्रेडिटनि Internship Course खौं फोजोबनांगोन। बिदिनो बोसोरसै फरायनानै सोरबा फरायसाया फरायनायखौं दोनथ 'नो सानो अब्ला मोनसे Internship Course खौं फोजोब्लानो मुलुगसोलौंसालिनिफ्राय बिथांनो डिप्लमा कर्चनि मान बिलाइ होगोन। आरोबाव सोरबा फरायसाया थादनाय गैयाजासे बोसोरथामनि कर्चखौं आबुं खालामोब्ला मुलुगसोलौंसालिआ Bachelor Degree नि मान होगोन। मख 'जाथावदि त्रैथि फरायसमाव गांसे इन्टर्नसिप कर्चखौं compulsory खालामनानै होनाय दंखायो। Certificate Course/Diploma Course खालामखानानै सोरबा फरायसाया फरायनायखौं दोनथ 'दोब्लाबो उनसमफोराव डिग्री कर्चखौं फोजोबनो थाखाय फरायफिननो हानायनि राहा दड'गोदान सोलौंथाइ खान्थि-2020 आव। फरायसाफोरनि खाबुनि थाखाय गाहायाव पेपारनि क्रेडिटनि फारिलाइखौं होनाय जाबाय -

Paper	Credit
Major	4
Minor	4
AEC	2
SEC	3

VAC	4
IDC	3

गोजौनि सावरायनायनिफ्राय मोनथिनो मोनोदि मेजर आयदा लानानै बि ए, बि एस सि, आरो कमास आयदा फरायनाय सासे फरायसाया गिबि फरायसमाव गासै मोन द' पेपार आरो 20 क्रेडिटनि कर्स फरायनांगोन। बेजो लोगोसे गोजौआव सावरायनाय खोथाफोरनि अनगायैबो गोनांथार बाथाया जाबाय - College Clustering। बेनि ऑथिया जाबाय मोनफ्रोमबो क्लास्टरनि गेजेराव सोफाना होनाय गने गंथामसो कलेजनि गेजेराव Teaching Learning Resources खौं बजबनानै लानो हानायनि गोहो बांहोनाय। एन इ पि 2020नि बोसोनखान्थि बादियै सासे फरायसाया गावनि गोसो जानाय बादियै आयदा फरायनो मोननांगो। बेखायनो सासे फरायसाया मुं थिसननाय कलेजआव फरायनो गोसो जानाय आयदाया बे कलेजआव गैयाब्ला क्लास्टरिआव थानाय गुबुन कलेजनि सिडावबो बे आयदाखौं फरायनो हागोन बेनि थाखाय गुबुन कलेजआव थाडलसिनो गावनि कलेजआव गुबुन क्लास्टरि कलेजनि फोरिगिरिजो फोरैजानो हागोन। बेफोरबादि खबु थानायनि थाखायनो एन इ पि 2020 आव स्ट्रिम थानाय नैलिया होनानै बुंनो हायो। नुनो मोनोदि एन इ पि 2020 आ जाबाय मोनसे Student Centric एबा Student Oriented Education Policy। फैगो समफोराव फरायसाफोरा फरायसमाफोरखौं माबोरै फरायनांगोन बेनि सोमोन्दै इयुनि समफोराव लिखिदिनि गेजेरजो मिथिहोबावनाय जागोन। मेजर लायाबलासिनो माइनर पेपारखौल होखानाय दाथाय (Structure) बादियै फरायनानै इउ जि प्रग्रामखौं एन इ पि 2020नि खान्थिजो फोजोबनो हानायनि लामाखौं बड'लेण्ड मुलुगसोलौंसालिआ आखायाव लादो। एन इ पि 2020 नि खान्थि बादियै बड'लेण्ड मुलुगसोलौंसालिआ मावफुनो लानाय खान्थिफोरखौं गाहायाव होनाय जाबाय -

गांसे 100 नम्बरनि पेपारखौं मोननै बाहागोआव रननाय जागोन। बेनिनो External आनजादआ 70 नम्बरनि जागोन आरो इन्टरनेल आनजादआ 30 नम्बरनि जागोन।	
आरोबाव बे 30 नम्बरखौं गाहायाव होनायबादियै रननाय जाबाय -	
Attendance नि बेलायाव 5 नम्बर। बे 5 नम्बरखौं गाहायाव होनाय बादियै।	
0% निफ्राय 74%	- 0 नम्बर
75% निफ्राय 80%	- 1 नम्बर
81% निफ्राय 85%	- 2 नम्बर
86% निफ्राय 90%	- 3 नम्बर
91% निफ्राय 95%	- 4 नम्बर
96% निफ्राय 100%	- 5 नम्बर

गुबुन 5 नम्बरआ थागोन जाय फरायनो गोनां आयदानि फरायफोरनि आवथायाव मोनसे Seminar Presentation/ Home Assignment/Project खौं मावफुनोनांगोन। गुबुनफासै 20 नम्बरआ जागोन लिस्नाय आनजादिनि जोहै। गोसोहोनो गोनांदि 50 नम्बरनि पेपारफोराव थोजेडे इकस्टरनेल खालामनाय जायो। बेगुलिजो जिउ आनजादल' जागोन बेयाव इन्टरनेल आनजाद जानाय नड। जोबथारनायाव गासैबो फरायसुला-फरायसुलिफोरनि गोजो इयुनखौं हास्थानानै लिखिदिखौं एसेयावनो फोजोबनाय जाबाय।

सा 954 पुलिस मावसुमाफोरा पुलिस मेडेल बान्था मोन्दो

गोदान दिल्ली, 14 आगस्ट : मिरु आरि नख 'र बिफाना समबरखालि 77 थि उदांसि साननि समाव सा 954 पुलिस मावसुमाफोरनो पुलिस मेडेलजो मान बाउयो। नख 'र बिफाना जोहोलाव आखुनि थाखाय प्रेसिडेन्ट पुलिस मेडेलखौं मिरु आरि रिजार्भ पुलिस हान्जानि हेफाजाबगिरि कामानडेन्ट लकशकपम इबन्मा सिंहनो होयो। सा 229 पुलिस मावसुमाफोरनो जोहोलाव आखुनि थाखाय पुलिस मेडेल, सा 82 नो जर'खा सिबिथाइनि थाखाय प्रेसिडेन्ट पुलिस मेडेल आरो सा 642 नो बाख्नायथाव सिबिथाइ होनायनि थाखाय पुलिस मेडेलजो मान बाउयो। सा 230 जोहोलाव बान्थाफोरनि गेजेराव उतखारि गोहोम गोनां ओन्सोलफोरनिफ्राय सा 125 मावसुमाफोर, जम्मु आरो काश्मीर ओन्सोलनि सा 71 मावसुमा आरो सा-सान्जा ओन्सोलनि सा 11



मावसुमाफोरनो बिसोरनि जोहोलाव आखुनि थाखाय मान बाउनाय जायो। फारसेथि पान्जाबआव थानाय रबिबासखलि हराव सासे पाकिस्तानी हाबफैखोमानो नाजानायखौं

बोथोर बिफाना गोबां अखा हानायजो लोगोसे हा गिसिखानायनि सांग्रांथि फोसावदो



गोदान दिल्ली, 14 आगस्ट : फारसेथि हाजोआरि ओन्सोलफोरव अखा आरो हा गिसिखानायनि जाथाया गिदर सिलिंखार लाबोदो। बेगफारसे आधिखालाव हादतनि माखासे बाहागोफोराव मौसुमि बोथोरा रानस्त्राव जानो हमदो। अदेबानि पान्जाब, हरियाणा, दिल्ली आरो राजस्ताननि सा बाहागोफोराव बोथोरा रानस्त्राव जानो हमदो। बेनि जाहोनाव मौसुमि बोथोरा हिमालयनि बाहागोआव गावनि सरसनस्त्रा थासरिनिखुइ गोजो फारसे दावखोलोगांसिनो दडा सा- सोनाब भारतआव आधिखालाव रानस्त्राव सोनाबारि बारआ बारगांसिनो दडा बोथोर बिफाना बुंनाय बायदिब्ला फैगो 48 घन्टानि गेजेराव मौसुमि बोथोरनि ट्राफआ पान्जाब, हरियाणा, दिल्ली आरो सोनाब उत्तर प्रदेशनि गोजौथिं खोलानि बाहागोजो आवगायलांगोन। बेनि जाहोनाव दिल्ली पान्जाब आरो हरियाणायाव सरसनस्त्रा

अखाजो लोगोसे माखासे जायाफोराव गोबां अखाबो हानो हागौ। बेनि गेजेरजो बोथोर बिफाना उत्तरखान्डआव गोबां अखानि रेड एलाट फोसावदो। लोगोसे माखासे जायाफोराव हा गिसिखानाय आरो सारअन्थाइ गोरलैनायनिबो सन्देह' फोरमायदो। बेनि अनगायै माखासे राइज्योफोराव अरेन्ज एलाटबो फोसावनाय जादो। लाश्रियै हाबाय थानाय अखानि गेजेरजो उत्तरखान्डनि मालदेवतायाव थानाय देहरदुन डिपेन्स कलेजनि बिल्डिआ गोदोयो। बोथोर बिफाना फोरमायबावदोदि, मौसुमि बोथोरा आरोबाव खेबसेयै जागायबावगोन। मानोना 17 आगस्टनिफ्राय मौसुमि बोथोरनि ट्राफआ गोबां खेबसेयै साहा फारसे आवगायनाया जागायबावगोन होन्ना बोथोर बिफाना फोरमायदो।

शिकाग'आव फालिनाय मुलुगनां धोरोम संसदआव दर 80 हादतफोरनि 10 रोजा धोरोमारि थाददैफोरा बाहागो लागोन



शिकाग', 14 आगस्ट : शिकाग'आव 14 आगस्टनिफ्राय 18 आगस्टसिम मुलुगयारि धोरोम संसद खुंनया सोलिबाय। बे समाव मुलुगनि दर 80 हादतफोरनि 10 रोजा धोरोमारि थाददैफोरा बाहागो लानो हागो होन्ना मिजिं थिदो। बे धोरोमगुरुफोरा जयै गोरोबज्जानयानै रसिया आरो इउक्रेन दावहा बायदि मुलुगयारि जेनाफोरनि राहा-लामा नागिरागोन। बेनि सोमोन्दैयै जैन फोलेरनि मुंदांखा धोरोमगुरु आचार्य लकेश मुनिआ बुखेदि, मुलुगनि गाहाइ धोरोम आरो आस्ताफोरनि दैदेनगिरिफोरा सुबुंथिनि सिगाडव नुजाथिनाय

दैदेनगिरिफोरा गोजोन आरो जौगाखो समाज एबा मुलुगनि थाखाय मोनसे थांखि थियारि खालामनांगो। बिथां जैन मुनिआ बुदो, सुबुंफोरा जाय जेनाफोरजो भुगिनांगोसिनो दड बेफोरनि गेजेराव जायखि-जाया जेनानि राहा-लामाया दावहा हिंसायारि जाथाय आरो गोजोन गोयै थासांरि खालामनाया नड। मानोना गासै जेनाफोरखौं सावरायनायनि गेजेरजोसो बोसोनो हायो। बिथाइ इउक्रेनआव सोलिबाय थानाय दावहानि सोमोन्दै बुदोदि, 1 बोसोरनिखुइ बांसिन सम दावहा नानायनि उनावबो बे दावहानि जेबो फिथाइ मोननाय जायाखै। अदेबानि बिथो सावरायनायनि गेजेरजो सुखांजागोन। बेनिखायनो सावरायनाय आरो सोलोखान्थिखौं दानिफ्रायनो जागायनांसिगो। बिथाइ थानाय माखासे दाननिफ्रायनो आमेरिकानि गुबुन गुबुन जायगाफोराव दावबायदो। बिथाइ बुदो, हाथियारजो हिंसायारि जाथाय जानाय जेनाखौं सुखानायनि गुबै रहायानो जाबाय सोलौंथाइ आरो बेखो गुदि मुलुग सोलौंसालिनि थाखोनिफ्राय जागायनांगो होन्ना बिथाइ आमेरिकानि हादतगिरि ज' बाइडेनो इसाय होदो।

LOST

I have lost my original admit card of H.S.L.C Examination bearing Rall B07-137 No. 0196 of the year 2007.

If anybody has found please inform to the following address.

Malay Sarkar
 S/o.: Lt. Bhanu Sarkar
 Vill.: Lalkura Part-2
 Po.: Choibari
 Dist.: Kokrajhar
 Pin.: 783376
 (M)- 8638675573

चिरांआव सासे फलानखौ इन्काउन्टार खालामदों इन्काउन्टारनि सायाव थाबैनो गोजौ थाखोनि नायबिजिरनाय नांगौ: एबसु



बिजनी, 14 अगस्त: चिरां आमगुरि थानानि सिखव थानाय भारत-भुटान सिमना साखाथि मालिभितायाव रबिबारखालि मोनानि समाव जादों मोनसे इन्काउन्टार जाथाय। गान्दा आरो हाग्रानि मैदेर सिखार खालामनायजों लोब्बा थानाय दायाव नबेस्वर बसुमतारि (42) मुनि सुबुंफोर इन्काउन्टार खालामदों। जाथायनि बागै चिरां पुलिसआ मिथिहोनाय बादिल्ला, पुलिस आरो हाग्रा बिफाननि जुथायै संदाननायाव भुटान सिमना साखाथिफ्राय सा सि फलाननि गेजेराव साथम फलानखौ हमनो हादोंमोन। हमजानाय फलानखौ लोगोसे लानाने खारखुमाना थानाय गुबुन साब्रै फलान आरो मैहुर खालामनायाव बाहायग्रा हाथियारखौ बोखाने थादोंमोन। बे समावने मैहुर खालामनायाव वाहायनाय गंसे सिखाजों गावखौ हमथानाने लानाय सानै कन्सटेंट बोलनि सायाव गा'लोबो। जाहोनाव गाव रैखाथिनि थाखाय नबेस्वरनि सायाव गुलि गावने गोनां जायो होना चिरां पुलिसनि एस्पि प्रानजित बराआ मिबथि होदों। एरैहाय बे जाथायखौ गोथौ दुखु मोन्याय फोस्मायदों चिरां जिल्ला एबसुआ। खौरांगिरि मेलनि गेजेरजों चिरां जिल्ला एबसुनि आफादगिरि दिलीप

बसुमतारिआ नबेस्वर बसुमतारिखौ इन्काउन्टार खालामनाय जाथाया सान्नी गोनां बुंनयानि अनगायैबो इन्काउन्टार, इनायै मानसि बुथारनाय एबा नासयनायखौ एबसुआ खाबु होबोयाखै आरो इयुनावबो होनाय नड होना बुडे। गोखों रैखाथिनि गेजेरजों संदाननायाव लानाने थांजानाय दायनिगिरि या माबोरै सिक्कि उरिटिनि सायाव गा'लोबोने हाखो होना सोंथि खालामनायै हाग्रा बिफानआ दायनिगिरिखौ हमनाने नायबिजिरनाया सोलिबाय थानाय समाव पुलिस बिफानआ लानाने इन्काउन्टार खालामनाया दुखुनांथाव होना बुडे बिथाड। गुबुन फारसेथि, इन्काउन्टार खालामनायनि जाथायखौ गोखों रावजों सोंखारिनायनि अनगायैबो चिरां जिल्ला एबसुआ दाबि खालामना बुडेदि, बे जाथायनि सायाव गोखैयै गोजौ थाखोनि नायबिजिरनाया जानांगौ। दुखुथिया नख'रो बिटिआर आरो आसाम सरकारआ अन्सुथाइ होनांगौ होना दाबि खालामो। मिथिगानि सायाव इनाय हाबा मावनाय, मैहुर खालामनाय हाबाफोरखौ नागारनांगौ बुंनयानजों लोगोसे आयेनबादिदै साजा होनो खावलायो। नाथाय आयेनबादिदै साजा होनायनि मुडव इन्काउन्टार

खालामनाया गनाय जाथाव नड होना बुंनवो बिथाड।

आडानी गुपनि मोन 10 कम्पानीफोरनि शेयारआ दावख्लायदों

गोदान दिल्ली, 14 अगस्त: आडानी गुपनि शेयार बाजारआव फारिलाइयाव थानाय गं 10 कम्पानीफोरनि गेजेराव गं 10 कम्पानीफोरनि शेयारफोरव दावख्लायनाय नुनो मोनगासिनो। बिएसइआव आडानी एन्टरप्राइजेजनि शेयारफोरव 5.41 जौखोन्दो दावख्लायदों, आडानी ट्रांसमिसनआव 4.77 जौखोन्दो, आडानी पावारआव 4.23 जौखोन्दो, आम्बुजा सिमेन्टआव 4 जौखोन्दो आरो आडानी पार्टसआव 3.70 जौखोन्दो दावख्लायदों। बेराफासँ आडानी ग्रीन एनार्जिनि शेयारआव 3.22 जौखोन्दो, आडानी उड्लमारआव 3.14 जौखोन्दो, आडानी टेटेल गेंसआव 3 जौखोन्दो, एनडिटिथिआव 3 जौखोन्दो आरो एसिसिआव 2.23 जौखोन्दो दावख्लायनाय नुनो मोन्दों। आडानी गुपनि कम्पानीफोरनि शेयारफोरव दावख्लायनाय नुनो मोनयानि जाहोना मा मिबथिनाने लानाया गोनां। आडानी गुपनि जाहास गाथोन कम्पानीनिफ्राय अडिट खालामना डेलायटआ गावनि बिबानखौ नागारनायनि उनाव समबारखालि गुपनि शेयारफोरव दावख्लायदों। डेलयटआ बिबान नागारनायनि सिगां हिडेनबार्ग रिसार्चनि दाय जाबिसिनायफोरखौ बाइजोनिफ्राय

आसामाव दै बानाजों जिउ गोमानायनि अन्जिमाया सा 12 सिम जाहैबाय, गोबां खहा

गुवाहाटी, 14 अगस्त: आसामाव दै बानानि थासारिआ रबिबारखालि गोब्राबर महर लादों आरो थानाय 24 घन्टयाव सासे सुबुंनि जिउ गोमाबावो। खर'सा आसामनि शिबसागर जिल्लायवा सोमजिनाय दै बानायवा सासे सुबुंनि जिउ गोमायो, जाय धेमाजिनि उनाव गुबुन बयनिखुइ बांसिन गोहोम गोनां जिल्ला। बेजों लोगोसे बे बोसोरनि दासिमाव आसामाव दै बानाजों थैनायफोरनि अन्जिमाया बांनाने सा 12 जाहैबाय। राइज्योनि दर 8 जिल्लाफोरनि दर 357 गामिफोरव गासै 75,209 सुबुंफोर दासिमबो दै बानाजों गोहोम गोर्लेंदों। धेमाजि



जिल्लायवा उखुमनि गोजौजों बोहैबाय थानाय दैजों रोजा-रोजा न'फोर आबुडे गोदोयो। दै बानाजों भुगिनांनय राइज्योफोर जाबाय-धेमाजि, शिबसागर, चिरां, दर, डिब्रुगड,

गलाघाट, कक्राझार आरो सनितपुर। धेमासि आरो बेनि उनाव शिबसागरआव गासै सा 46,754 सुबुंफोरनाव गोहोम गोर्लेंदों, जेराव गासै 22,650 सुबुंफोर दासिमबो दै बानाजों

भुगिनांनयिनो दड। न' गैजायै जानायनि उनाव गोहोम गोर्लेंनाय जिल्लाफोरव सोमोन्दो गोनां जिल्ला खुंथयनि गेजेरजों गायसनाय गं 61 रेहाय बादाफोरव सा

1515 सुबुंफोर थानांगो जायो। दै बानाया गोबां न'फोरखौ सिलिंखार खालामो आरो 6,136 हेक्टरनि बांसिन फसल गोनां ओन्सोलफोरखौ गोहोम खोख्लैयो। बेनि अनगायै माखासे लामा, दालां, दै सारखा राहाफोर आरो बान्दोफोरखौ खहा खालामो। बेनि गेजेरजों बुर्लुबुथुर दैया जरहाट जिल्लानि धुबुरि आरो निमाटीघाटआव अलखदनि थाखोखौ बारनाने बोहैगासिनो दड। बेनि अनगायैबो शिबसागर जिल्लानि नंलामुराघाट आरो दिखोआव अलखदनि थाखोखौ बारनाने बोहैगासिनो दड।

60 बोसोर सिगां ए मेरे वतन के लोगों देखोखौ रोजाबदोंमोन लताआ

गोदान दिल्ली, 14 अगस्त: हादरआ उदांसिनि आरोबाव मोनसे बोसोरारि सानखौ फालिनो थाखाय आबुडे थियारि जाबाय। थारैनो आथिखालनि सुबुंफोरा उदांसिनि बै नाजानायखौ नुवाखै नाथाय हिन्दी सावथुनफोरव हादर सिबिनयनि सल'फोरखौ गोबां नुखांबाय। बेराफासँ हादर सिबिनयनि हमदाथिजों लाबरेज देखोआवो जॉनो उदांसिनि गोनांथिखौ मोजाडै बुजायो। बेबादि ए मेरे वतन के लोगों देखोआवो मोनसे। जायखौ दिनेसिमबो खोनायोब्ला मेगनआव मोदें गयो। उदांसिनि थाखाय दावहा नांनय आरो जॉनि मुख्न्फोरनि जिउ दान होनायनि मुडै बाउनाय बे देखोआ दिनेसिमबो सुबुंफोरखौ गावखांहोयो। नाथाय बे देखोखौ बानायनायनि सल'आवो मख'जाथाव जादों।



बे देखोखौ 1963 आव लिरनाय जादोंमोन। बै हिसाबै बे बोसोरव बेयो 60 बोसोर आबु जाबाय। कभि प्रदीपआ बेनि मिउजिसियानमोन। भारत आरो चीननि गेजेराव 1962 आव दावहा जादोंमोन, जेराव भारतआ जेनांदोंमोन। बे दावहानि उनाव फैनय उदांसिनि सानआव दिल्लीआव जानो गोनां फोर्बोनि थाखाय जर'खा महरै कभि प्रदिपनियाव बे देखोखोनि कम्पजिसनखौ होनो आर'ज

दिल्लीआव 18 अगस्टनिफ्राय सानथामनि थाखाय आनारस फोर्बो फालिगोन



शिल्ल, 14 अगस्त: मेघालयनि आनारस फोर्बोखौ मेघालयजों लोगोसे भारतनि राजथावनि गोदान दिल्लीनि मिरुआव फे गो 18 अगस्टनिफ्राय सानथामनि हाबाफारि लानाने आनारस फोर्बोखौ हारिमायारि जौसाडवबो गाजा-गोमजायै फालिनाय जागोन। सिगां सानाव मोनसे गोसो बोनो

ओन्सोलनि जौगाखां हारिमुखौबो दिन्थिदों। गावनि गोदैन थाखाय मुंदांखा मेगालयनि आनारसआ गोजान जान्थायनि बाजारफोर, जर'खायै लैथो सेरनि बाजारफोरव गोसो बोनो हायो। मेघालयनि आनारसनि आबादखौ आसार खान्थिनि राहाफोरजों खालामनाय जायो, जाय गोबाडै अर्गेनिक दिह्न्थायनि सायाव सोनारो। मेघालयआ एक जिल्ला-एक उत्पाद थांखिनि गेजेरजों आनारसखौ गाहाइ दिह्न्थाय महरै मुं थिसन्दों। जर'खायै भइ आरो सान्जा गार' हाजो जिल्लाफोरव बेनि मिरुखौ खालामनाय जादों।

जों हिन्दुस्तानी आरो बिब्दियैनो थागोन उतखारि जाभेद मट्टुनि फंबाय रइस भट्ट



गोदान दिल्ली, 14 अगस्त: उदांसिनि साननि सिगां हिन्डुल मुजाहिदिनि उतखारि जाभेद मट्टुनि बिदा रइस मट्टुखौ सा काश्मीरनि सपरआव भारतनि फिरफिला बिरहोनाय नुनो मोन्दों। फिरफिला बिरहोनाय रइस मट्टुनि भिडिअआ सशेल मिडियाआव भाइरेल जादों। खौरं एर्गेनिस एएनआइजों रइस मट्टुआ बुडोदि, आं गोसो गोर्बोंजों फिरफिला उरायदों। बेयाव रवबो नारसिनाखै ' सारे

जहां से आच्छ हिन्दुस्तान हमारा हम बुलबुले है इसके ये गुलिस्तां हमारा' हादत अनफावनि देखोबो रोजाबदों। बेनिफ्राय मट्टुआ बुडोदि, काश्मीरआव जौगानाय फे हांबाय। 14 अगस्टआव गिबि खेब बियो गावनि गलायाव जिरायदों, फारसेथि आगुआव उदांसि साननि समाव सान 2-3 गलाया बन्द' थायोमोन। सिगांनि रजखाथिन् दोलोफोर गेलेमु गेलेदोंमोन। गावनि फंबाय

जाभेद मट्टुखौ रायखानाने रइसआ बुंदों गावनि फंबाया 2009 आव उतखारि जाहेंदों, बेनिफ्राय गावसोर बिनि बागै जेबो मिबथिया। बियो दासिम थानाने दडव्ला बिखों न'आव गिदिबोफिन्नो थाखाय खावलायो। काश्मीरनि थासारिया सोलायबाय, पाकिस्ताना जेबो खालामनो हाया। जों हिन्दुस्तानी आरो जेब्लायबो थागोन। काश्मीरनिफ्राय आर्टिकल 370 खौ बोखारनायनि उन्निफ्रायनो हायेनआव गोखैयै सोलायनाय नुनो मोन्दों। सिगांनिखुइ बेयाव गोजोनसिनि फेबाय। अन्थाइ खुबैनाय जाथाइफोर गोबां खम जाबाय आरो लाइमोनफोरनि आखायाव हाथियार नुनो मोनलिया होनाबो बियो बुडे।

हिमाचल प्रदेशनि सलन जिल्लायवाव जौमे गावस्त्रानायजों सा 7 सुबुंफोरनि जिउ ख'हा

सिमला, 14 अगस्त: 13 अगस्टयाव हिमाचल प्रदेशनि सलननि दरसे गामियाव जौमे गावस्त्रानायजों सा 7 सुबुंफोरनि जिउ ख'हा जायो आरो सा 3 आ दासिमबो गोमाना दड'। सासे बिबानगिरिआ सा 5 सुबुंफोरखौ रैखा खालामबाय होन्ना फोरमायो। बे बिबानगिरिआ बुबावयो सलन जिल्लानि धवला उफ्रा मुकुमानि गामि जादनयाव जौमे गावस्त्रानाय जाथाइयाव सा 7



सुबुंफोरनि जिउ ख'हा जानायनि खौरंखौ खोनानाने जोबोद दुखु मोन्दो। बे समाव आं बुगिनांनयजों लोगोसे दंफायो।

हिमाचल प्रदेशनि सिपे सुखिन्दर सिं सुक्खुआवो गावनि एक्स हेन्डेलआव लिरदों, जों बिबानगिरिफोरखौ

बे गोब्राब समाव गोहोम गोर्लेंनाय नख'रफोरखौ जेब्लाबो हेफाजाब होनो बिथोन होयो। कन्डाघाटनि लेडाइ मन्डली मेजिस्ट्रेट (एसडिएम) सिद्धार्थ आचार्यआ बुंदों बे जाथाइया जादन गामियाव जायो आरो हरखाबै फेनाय दै बानायवा गनै न' आरो मोसौ गलिया बोहैलाडो। बेयो बै समाव जायो जेब्ला थानाय 24 घन्टयाव हिमाचल प्रदेश आरो नसुंसे उत्तराखण्डयाव गोबां

अखा हाबाय थायो। अदेबानि हा गिसिखानायनि जाहोनाव गाहाय लामाफोर बन्द जायो, दालांफोर बोहैलाडो, जायनि जाहोनाव सोलौं थाइ फसंथानफोरखौ बन्द खालामनाडो। लान्थ्रयै हाबाय थानाय अखाखौ नोजोर होनाने हिमाचल प्रदेश सरकार रबिबार खालि राइज्योनि गासै सोलौं थाइ फसंथाखौ 14 अगस्टयाव बन्द थागोन होना खौरं होयो।

ignou (Online) FRESH ADMISSION IN
B.A., B.Com, M.A.

(ENGLISH, HINDI, ECONOMICS, POLITICALSCENCE, PUBLIC ADMINISTRATION, SOCIOLOGY, HISTORY, RURAL DEVELOPMENT) Under IGNOU

JULY – 2023 Cycle has been extended up to 21 st August, 2023

** For details Contact
Mob No. 9706969203/
9706969247

Co-ordinator
IGNOU Study Centre (0414)
Kokrajhar Govt. College
Kokrajhar

मणिपुर हिंसानि मोन 9 केसखौ सिबिआइया बिजिरसिगोन

इम्फल, 14 आगस्ट: सिबिआइया मणिपुर हिंसानि लोब्बा गोनो आरोबाव मोन 9 केसफोरखौ नायबिजिरनो थियारि जाबाय, जायजो एजेन्सिफ्राय नायबिजिरनाय गार्से केसफोरा मोन 17 जाहैगोन। बेनि अनगायै आइजोफोरनि हेथायै केस एबा आथोनारि अनागारजो लोब्बा गोनो बबेबा गुबुन केसखौबो दैथाइहरनो हागो। सिबिआइया दासिमाव मोन 8 केस थिसनबाय, जेराव मणिपुरआव आइजोफोरनि सायाव आथोनारि अनागार खालामनायनि मोन 2 केस दफायो। बेनिफ्राय मोन 9 केसखौ सिबिआइया आखायाव लाबावनायनि लामायाव दड। नायबिजिरना एजेन्सिआ राइज्योनि चुराचान्दपुर जिल्लायाव गोब्राब आथोनारि अनागारनि मोनसेबाव केसखौ



आखायाव लानो हागो। बिबानगिरिफोर बुदो, समाजआ हारिखौ लानाने बोखावजादो, बिबिआव सिबिआइया मणिपुर अपारसननि समाव हान्जाजो लोगो जानायनि दायफोरनिफ्राय बारगनायनि मख'जाथाव

सेलेन्सफोरजो मोगा-मोमि जानादो। मानोना मोनसे फोलेरनि सुबुफोरनि जायखि जाया लोब्बा थानायनि फिनजाथाइयाव गुबुन फरसेनिफ्राय आसि थुजानाय जागोन। सुलुनि बायदिल्ला, बेफोरनि माखासे

केसखौ सिबिआइया नायबिजिरनो, जेराव एस्टि आरो एससिनि एक्ट 1989 नि नेम-खान्थिया बाहायजानो हागो। बेफोर नायबिजिरनायखौ डिएसपि रेकनि बिबानगिरिफोर खालामनो हागो।

जोमैखौ गुबुन गुबुन महर नुनो मोनायनि जाहोना मा ?

उन्दै समाव अखा हानाय समावबो गोबां रंजा-बाजा खालामनाय जायोमोन। अखा हानाय बोथोराव जेब्ला अखाडाव गोबां जोमै सागलोबो अब्ला बेफोर जोमैनि गेजेराव बायदि रोखोमनि महर लानायखौ नुनो मोननाय जायो। बेफोर जोमैखौ माब्लाबा गराइ बायदि आरो माब्लाबा दाव बायदि गुबुन गुबुन जिब-जुनातफोरनि महर लानाय बायदि नुयो। नाथाय बेफोरो माबोरै जायो होना बयनिबो गोसोआव सोंथि सिखाडो जानो हागो। बेनिनो गुबै जाहोन आरो बेनि आन्दोआव थानाय बिगियानारि बाथ्राखौ जो दिने आबुडे मिबथिगोन। गुदि फ रायसांलियाव फरायनाय समावबो बिगियान आयदायाव मोनबोनाय जायोदि, दैया बारहावायाव खफ' महर लानाने थायो। जेब्ला बे खफ'फोर ज'



जानाने जोमैनि महर लायो अब्ला बेनि दै थरथेफोर साननि सोरंखौ गावसा होयो आरो बेनि जाहोनावनो जो जोमैफोरखौ बायदि जिब-जुनात आरो दायफोरनि महर लानाय नुनो मोनो। बेनि गेजेरावनो मोनसे सोंथि सिखाडोदि, जोमैफोर माबोरै महर सोलायो? बेबायदि जानायनि आन्दोआव बिदु, रोजाथि

आरो गोखेथिनि जाहोन थायो। अखाडाव जो जोमैखौ मोनै रोखोमनि नुनो मोनो। मोनसेया जादो क्युम्यलस जोमै, जायखौ थुला बायदि जो नुहुरो। अदेबानि बेबायदि जोमैखौ अखाडाव गोबां खम नुनो मोनो। बेखौ खुवानि जोमै होनाबो बुंनय जायो। गुबुन मोनसे जोमै आ जाबाय-

क्युम्यलसिन्बास जोमै, जायनि खफ'आ दैयाव महर सोलायो आरो बे हाबाफारियाव गरमबो सोमजिखाडो। जेब्ला बारमण्डलआव थासारिफोर बेनि बे बायदि हाबाफारियाव सोलायहोयो अब्ला बेयो दुहाव जोमै आव सोलायलाडो। क्युम्यलसिन्बास जोमैफोरखौ गोसोम नुहुरो, जायखौ जो अखा हाग्रा जोमै होना बुंनय जायो। बे मोनै जोमैनि अनगायै मोनसेबाव जोमै दड जायखौ जोडो लगु जोमै होनाबो बुडो। बे जोमैआ अखांनि जोबोद गोजोआव सोमजियो, जायखौ फिसा फिसा हान्जायाव थानाय नुनो मोनो। जर'खागिरिफोरनि बायदिल्ला बे जोमैआ अखां सायाव 5 रोजा मिटार गोजोसिम गोसारना थायो। फारसेथिं माब्लाबा समाव बेफोर जोमैआ 18 रोजा मिटार गोजोसिमबो गोसारना थायो।

सासेबो हिन्दु गैथै बे हादतनि माहारियारि फिरफिलायाव हिन्दु मन्दिरनि सावगारि दड

भारत आरो नेपालखौ हिन्दु हादत होना बुंनय जायो। मानोना बेयाव हिन्दुफोरनि सुबु-अन्जिमाया बांसिन। नेपालआव हिन्दुफोरनि अन्जिमाया भारतनिफ्रायबो बांसिन दड। अदेबानि गासे मुलुगाव दरसेबो हादत गैया जायखौ जो आबुडे हिन्दु हादत होना बुंनो हायो। बेनि गेजेरावनो दरसे हादतनि बागै जो मिबथिनो मोनगोन जाय हादतआव मावख'यारि महरै सासेबो हिन्दु नोगोरारि गैया, नाथाय बे हादतनि माहारियारि फिरफिलायाव गंसे मन्दिरनि सावगारि दड, जेराव भारतबायदि हादतआव गोबां हिन्दु सुबु अन्जिमा दडब्लाबो बबेबा धोरोमारि नेसोनखो हादतनि फिरफिलायाव जायगा होनाय जायाखै, बे हादतनि फिरफिलायाव हिन्दु धोरामनि नेसोन थानाया मोनसे गिदिर सोंथि। हिन्दु मन्दिरनि सावगारिखौ माहारियारि फिरफिलायाव



सेबखानाय हादतयानो जादो कम्बडिया। बे हादतनि फिरफिलाखौ गोबां खेब फोसाबनायबो जाबाय। नाथाय बेयाव थानाय मन्दिरनि सावगारिखौ बोखारनाय जायाखै। कम्बडियानि आथिखालाव माहारियारि फिरफिलाखौ 1989 माइथायाव डिजाइन खालामनाय जादोमोन। बे फिरफिलाया 1993 आव सरकारनिफ्राय गनायथि मोन्दोमोन।

बुंनय जायोदि, बे फिरफिलायाव होनाय मन्दिरनि सावगारिखौ 1875 माइथायावनो बयनिबो गनायथिजो सायख'ना लानाय जादोमोन। कम्बडियानि माहारियारि फिरफिलायाव अंगकर वाटनि मन्दिरनि सावगारि दड, जाय मन्दिरखौ 12 थि जौथायाव महिधरफु रानि खुगिरिफोरा बानायदोमोन। बे अंगोमा मन्दिरखौ लुनायाव माखासे सोमोनांथाव

शिल्प आरिमुखौ बानायनाय जादो। मन्दिरआव मोनबा मिनारफोर दड। नाथाय फिरफिलायाव मोन्थामखौल'दिन्थिनाय जादो। बे मन्दिरखौ गिनिज वर्ल्ड रेकर्डआबो मुलुगनि बयनिखुइबो देरसिन धोरामारि लुथाइ होनाबे गनायो। भगवान श्री बिष्णुखौ बे मन्दिरआव सिबिनाय जायो आरो थामथि राजा सुर्य बर्मनआ लुहोदोमोन। गाहायै बेयो गंसे हिन्दु मन्दिर नाथाय समजो लोगोसे उनाव बौद्ध मन्दिर होना बुंनय होमो। आथिखालाव बेखौ हिन्दु-बौद्ध मन्दिर होनाबो मिबथिनाय जायो। कम्बडियानि अफिसियेल वेबसाइटआ सेबखानाय मोनसे रिपटनि बायदिल्ला, बेयावनि 93 जौखोन्दो सुबुफोरनि गेजेराव कृष्ण, मुस्लिम, एनिमिस्टस, बहाइ, ज्युस आरो काअ डइ धोरामखो गनायो। मावख'आरि अन्जिमानि बायदिल्ला बे अन्जिमानि सुबु अन्जिमायाव सासेबो हिन्दुफोरनि अन्जिमा गैया।

कुकि इन्पि मणिपुरआ राइज्योनि सायाव मन्थि अमित शाहनि बिबुंथिखौ सोंखारिदो



गुवाहाटी, 14 आगस्ट: कुकिफोरनि गहाइ आफाद कुकि इन्पि मणिपुरआ संसदारि देज्तां बोथोरनि जथुमयाव राइज्योनि थासारिनि बागै मिरुनि नख'र मन्थि अमित शाहनि बावैसो सिगां बिबुंथि होनायखौ गोखोडे सोंखारिदो। कुकि इन्पि मणिपुरआ मोनसे फिन्नायाव मन्थि अमित शाहनि बिबुंथि होनायखौ दुखु मोनाय आरो मिर्जिथि गैथै होना बुंदो। सिगां फारसे आफादआ बुंनयदोदि,

मिरुनि मन्थिया बोसोन होनाय बायदियै मणिपुरआव सोलिबाय थानाय दिदोमथि गैथै थासारि आरो हिंसाखौ ओन्सोलाव थानाय कुकि सुबुफोरनि अखां आखुनि थाखाय जादो होना दाय होनो हाया। कुकि इन्पिनि बायदिल्ला, जेना गोनो कुकिफोरनि बागै मेतेइ हारिनि जिगा सिनाय 'इश्यां आरो सुथुर'जो थुलुगानाय, बेफोर दाबिखौ रोखा खालामनो थाखाय जेबो रोखा फोरमान गैया। फिन्नायाव बुंनयदोदि, मणिपुरनि बाइजोआव थानाय कुकिफोर ओन्सोलाव जानाय जेनायाव जेबो बिगोमा गैया। कुकि आफाद रोखा फोरमान आरो साखि गैया जासे जेना गोनो फिन्नाय होनायनि थाखाय मिरुनि नख'र मन्थि आरो मणिपुरनि गिबि मन्थि एन बिरेन सिंह बिथांमोनखौ सोंखारिदो। बेबायदि फिन्नाया मुगैथाव आरो सोंखारिथाव जानायजो लोगोसेनो राइज्योआव बेबायदि बिबुंथिजो जेनाया बांसिनो हागो। बेनि अनगायै दाबिबो दैखांदोदि, बे फिन्नायफोरव कुकि हारिनि जारिमिन जौगानाय आरो सिनायथिखौ नासयनायनि गोहोम नुनो मोनो। आफादआ बुंनय बायदिल्ला, मन्थि शाहआ गिबि मन्थि बिरेन सिंहनि मासिनि थाखाय कुकिफोरखौ बोलि होदो।

रंजालि गथ'फोरनि सौरा

नों थारैनो बुजिदोनों रजे

मिनिस्तु मोखांजो.... मिज्जौ मेगनजो नायनायनि इसाराखौ नों थारैनो बुजिदोनों रजे हमदोनों हादोनों नों आनि गोबोखौ। हांखुर जादोमोन आं रजे गोबोखौ नोंखौ अननो बोदोर जादोमोन आं नोंनो अननाय होनो नों थारैनो आनि अननायखौ हमदोनों हादोनों रजे। आंथ' माब्लाबानो नोंखो मोजां मोनखोमाना दं आं माब्लाबानो नोंनो अननाय होखुमाना दं नों बुजिदोनों रजे। गोसोवाव सो दुब-दुब आंहा मिथिदोनों मिथियाखै रजेया आनि अननायनि इसारा बुजिदोनों बुजियाखै अननायनि रावफोरखौ। अखा थारैनो अखामार आनि अननाया नेथ'ना थानो हाया मानोबा दसेबो आथुर मोननायनि रजेनि फिन अननाय नाथाय बेबा बुजिदोनों बुजियाखै बेबा मिथिदोनों मिथियाखै आनि अननायनि इसाराफोरखौ।

बेलारोम बसुमतारि फरखालागि (कक्राझार)

टेट्रिकटिस खन्थाइ

नों जिउवाव दुखुबो जानो नांगो होमबासो दुखुखौ गुमुर मोनो

नों खालि थायोबा सुखारुवाव दुखुनि ओंथि बुजिनाय नड

नों आरो आंनियव दुखु दाहा माला बिलिर फैगोन गुमुर मोना

सम लाना सुखारु सम लानाने दुखारु सुबुनि जिउ लामायाव

नों रेबनाय खनथाइखौ सम सम नुयो गोथीथि सोदोबनि लैथोयाव थल्ल'नाय

जो रेबग्रा जो हले नोजोर लायो मुलुगनि बिखायाव सोर मा मावदो

जाय इसोर धोरामखौ लाना जिउवाव सोलिनो रोंगोन गोजोननाय मोनगोन

नों बायगर सानसिखौ जानगर होनो धोरामनि गियानखौ लानो नांगो

रैदोम बर', बाक्सा

लहाखौ लहाजोसो फदम

जागलां लामासानि अन्थाइ गोफार सुबु जिउ हान्थामेलानि रोखा सुथुर, गाज्ज-गाज्ज थाबायनाय आन्थोर.... दैबानायाव सानसिनो गोजोमनाय दंबावोसो आरो रोमै-रोमै बै र्गुआ।

मेंरुहाब्याय आं थांखिखौ होसोनाने खर'आबो साननायनि माया हाब्याय, रोहो-रोहोयै दुंथायारि जुजायनि अर गिहिया खालामो जे गोबां दोहो-दोहो, फैगोन इयुनि रादाव फोरमायथिना।

जेरै अरखौ लुखुमुरनो दैन गोनांथि बेदिनो नाजा-सिनायथिनो गोनांथि... सिखाखौ उनबाय थानायनि गोनांथि, समाव बाहायनोबो रोंगोथि जानांगोन जे लहाखो लहाजोसो फदम नांगोन।

बिफां बिलाइआ रानदो आरो सिरिदो लोगोसे गोदान हाबिला सोरजिफिनदो, जेब्ला उन्दुसियोब्ला सिमानि फाखना हरखाबै सोलायहोयोब्ला आं देंखोखौ, हाथरिखि फागलाजो सुलाय होनांगोन।

अन्थाइ आ जेसेबां गोरा राथि जायो बुखुबखानांगोन आं हाथुराजोब्लाबो, बिखानि थैसामखौ गोलोमदै गहनानै थाइसे उदैखौ सुफुनो बोलो होनानेबो.. आखाइखौ दावहायाव बाहायनांगो।

निन्द बसुमतारि काशिकत्रा (कुमगुरि), चिरां

आदुंगारि

सिथला सेरजो बिरलानाय दाउथुर जरासेआ दिने बिखा गावनायबादि मानोबा हांखुर मोनखांहोदो, रादाय लाखिनो हायैआव नों आरो आनि अनज्जालयनायनि सिमांआ दा बुदुम आरो अखाफोर बादि जान्थायाव, दाउब'-दाउसिनफोरा गां राग'खानानै हालि हालि जुलि लायै लायै बिरग'लांबाय,

दाउफोर बादि गां थानायमोनब्ला बिरलांगोमोन आंनो; नाथाय आंहा गांखं बुबावनो गां गैया, मानसि महरै आंहा आखल गैया, नांगोमानि गोसो बोग्थाबनोहानाय महर गैया माबोरैथो ? बिरबायनो हाबावनो जिउनि हान्थिलानाय लामायाव एखुथायै। गोसोआ आनि साननायनि लैथोआव गोदोहाबो गोदोनायाव लानाय फासाया सिगलाव लांबाय,

दख'ना दौबाया सिगलाबलांबाय दाबोनो गैया जिउनि सानजौफु समाबो बाबेनलांबाय, जुलिनि बैसोआबो हुरा हुरा गोजानाव थाबोबाय, हाथासिनि रायजोआव खामसालिनि खामफलायाव हारसिडै सानफु रायजोआव जोन्थोरजो मुखा साबायसै खाने खाने खुन्दुआ थक्क' ज'सब्ला मोगथां रायजोआव थं मोनफिनो,

गोसोखौ गिलिद गिलिद गमथिथि मोनखाडो। माब्लादि फेगोन साफालनि गोजा सिन्दुरनि दागो, बेखौनो सानै सानै सानस'हाया लामा नायै नायै आं आंगोर मोनस'हाया आं दिने मुगैजानानाय लामानि सासे आदुंगारि।

बनमालि दैमारि बेन्नाबारि, बागसा

सिरि-सिरि

सिरि-सिरि मोथो-मोथो

मोजां मोनबाय आंनो अनजालिखौ।

नाथाय नों मानो अनजालिया मानो बुजिया ?

लाइजाम हरनो सानो - नाथाय गोसोआं

माबा साननायै थाफिनो अनजालि।

पोरमायनो सानो-गोसोआ फोरमायनो हाया

खुगाया गेवा बिखाया गेवो

मानोदि आं नोंखौल' मोजां मोनो अरायबो।

हास्थायबाय थायो आनि गोसोआ नोंखौल' सना

मोजां मोनोमोन आं बिबार बायदि खानाने लानो

नाथाय मोना खाथियाव नों अनजालिखौ

सिमांआव जाखं फैबाय थायो नों सिरि-सिरि मानोबा।

नोंनो आंखौ खालामबाय जावलिना

मादि माया दड' नोंनि महराव।

सुमि अमर गोरा नाजारी जिला - चिरां

शाहरुख खाननि रमान्टिक आखुखौ 4 बोसोरनि उनाव आरोबाव नुनो मोनसिगोन

बलिउड सुपर स्टार शाहरुख खाननि सावथुन जवाननि रिलीजनि थाखाय फेन्सफोर गोबां थुलुगाखांदों। बेराफासै फेन्सफोरनि उसु-खुथु जानायखौ बांहोनो थाखाय जवाननि मेकार्स आबो सानफ्रामबो सावथुनजों सोमोन्दो गोनां माबेबा नडा माबेबा बाश्राफोरखौ सिभिल खालामदों। थांनाय मोनाबिलियाव शाहरुख खानआ

गावनि ससेल मिडिया प्लेटफर्मआव जवाननि गोदान देखो चलेयानि नुथायखौ शेयार खालामदों। जवाननि चलेया मेथाइयाव 4 बोसोरनि उनाव शाहरुख खानखौ आरोबाव खनसे रमान्स खालामनाय नुनो मोनगोन। चलेया मेथाइनि टिजार भिडिअआव शाहरुख खान आरो नयनतारानि मोजां केमेस्ट्रीखौ नुनो मोन्दों। शाहरुख खानखौ जवाननि गोदान मेथाइ



चलेयानि टिजारआव नयनताराजों लोगोसे रमान्स खालामनाय नुनो मोन्दों। फावखुंग्रिखौ गोमो-गोमो गावनि समायना अफ शलडार गाउनआव जोबोद समायना नुदोंब्ला गुबुन फासै शाहरुख खानखौ नीला गावनि प्रिन्टेड शार्ट, गोसोम ट्राउजर आरो

थाखाय बिन फेन्सफोर उसु-खुथु जादों। जवान सावथुनजों शाहरुख खाननि गोदान मेथाइखौ 14 आगस्टआव ससेल मिडियाआव रिलीज खालामनाय जादों। बावैसो समाव आस्क एसआरके सेसनआव शाहरुख खानआ चलेया मेथाइआ गावनि जिउनि जोबोद खाथि सोमोन्दो गोनां होन्नाई फोरमायदों मोन। सावथुननिफ्राय बिन देखोआ फे भराइट जादों। मानोना बेवहाय रमान्स, स्वीटनेसखौ नुनो मोनगोन। एटली कुमार बिथोन होनाय शाहरुख खाननि सावथुन जवानआ 7 सेप्टेम्बरआव सिनेमा हलफोरव तेलुगु, तामिल आरो हिन्दी रावआव रिलीज जासिगोन।

शम्मी कापुरआ सारसे मोजां मोसागिरिमोन



नॉथाडा सावथुन 'हंसि त' फांसि' नि शेक हट लाइक शम्मी देखोखौ खोनाबाय जानांगौ। जेब्लानो बे सावथुननि देखोखौ खोनायो अब्लानो जों गाव गावनि देहाखौ शम्मी कापुरनि स्टाइलआव सोमावाबानो थानो हाया। 'चाहे कइ मुझे जंगलि कहे' निफ्राय 'बदन पे सितारे' देखोआ शम्मीनि मोसानाय स्टाइलनि थाखाय दिनैसिमबो गोबां मुंदांखा। बिन स्टाइलखौ माब्लाबाबो रिप्लेस खालामजाया। शरिम कापुर आरो बिन आइकनिक डान्सआ बयनिखुइ आलादा आरो गोमोथावमोन। जेब्लानो शम्मी कापुरखौ गोसोखाडे अब्लानो बिन डान्सि स्टाइलखौ मख'नाय जायो। गोसो गुवारै मोसानाय आखु, बारहावायाव आखाय सिबनाय, देखोनि मिउजिकजों गावनि खर'खौ सोमावनाय आरो गोबां एनाजिजों लोगोसे मोदोमो सोमावनायानो शम्मीनि स्टाइल। शम्मी कापुरनि गिबि डान्सि स्टाइलखौ 1957 आव नासिर हुसेनि गेजेरजों बिथोन होजानाय सावथुन 'तुमसा नहिं देखा'याव नुनो मोन्दोंमोन। बै समनि सावथुनफोरव देखोफोर गोबां जायोमोन। नाथाय हिर'आ पर्दायाव मोसानो सानामोन, नाथाय शम्मी कापुरनि देखोजों गासैबो सोलायदों, बिन फावआ बाख्नायजानायजों लोगोसेनो बियो गावनि डान्सि स्टाइलनि थाखायबो मुंदांखा जायो। शम्मी कापुरआ हिन्दी सावथुननि हिर'फोरनि सिनायथिखौ गोबां सोलायदों। मख'नो गोनांदि, उन्दैनिफ्रायनो शम्मीआ मोसानो मोजां मोनोमोन, नाथाय बियो माब्लाबाबो बेनि थाखाय ट्रेनि लायाखौमोन। बिथोनगिरिफोरा फावखुंगुरफोरनो मोसानो फोरोंनो थाखाय करिय'ग्राफारफोरनि सायाव सोनारोमोन। नाथाय शम्मी कापुरआ आबुडै नेच्युरेलमोन आरो माब्लाबाबो बिनो बेनि गोनांथि जायाखै। बियो से सप्ताहसिम टेंग क्लासेज लानोबो नाजादोंमोन, नाथाय उनाव बियो हमदाडोदि, मोसानाया गावनि गोसोसिनिफ्रायनो फेयो आरो बेनि थाखाय गाव गुबुनखौ फल'खालामनो हाया एबा क्लास लानासै सोलौनो हाया। बै समाव शम्मीयाबो एलिभस प्रेसिलिनि गोबां गिदिर फेनमोन आरो बिजों थुलुंगा मोनोनायमोन। शम्मीया गावनि देखोआव बिन मुंदांखा स्टेपफोरजों थुलुंगा मोनोमोन।

रजनिकान्तनि सवाथुन 'जेलार'नि 4थि साननि कालेक्शनआ गोबां सोमोनाहोदों

रजनिकान्तनि सिगाडव सोरबा जाफुनो हानाया गोब्राव जानायनि अनगायै फोथायथावैबो। नाथाय बे फोथायथावैखौ सानि देअलनि सावथुन 'गादार-2' आ थारोने फोथायथाव खालामनाई दिन्थिदों, फारसेथिं बयो गोबां ख'हाबो जादों। रजनिकान्तनि सावथुन 'जेलार' आ 10 आगस्टआव एबा गादार-2 नि रिलिजनि से सान सिगां रिलिज जादों आरो कालेक्शननि ओरैबायदि सुनामिखौ लानाई फे दोंदि अनजिमाखौ खोनायोब्ला नोंथाडाबो गोमोमोन। बे सावथुननि थांनाय 4 साननि कालेक्शनआ ओरैबायदि दोहों गोनां जादोंदि बयो अएमजि-2 नि अनगायै गादार-2 आबो गोबां ख'हा जादों। रजनिकान्तनि सावथुन 'जेलार'नि 4थि साननि कालेक्शनआ बक्स अफिसआव दोहों सोमजिखां होदों। बे सावथुनआ 4थि सानआव 38 कौटि रंखौ कालेक्शन खालामदोंमोन आरो दासिमनि गासै कालेक्शनआ 146.40 कौटि जाखांबाय। 'जेलार' सावथुननि गुबुन सानफोरनि कालेक्शननि बाश्राखौ बुडोब्ला गिबि सानआव 48.35 कौटि, नैथि सानआव 25.75 कौटि,



3थि सानआव 5.95 कौटि रंखौ कालेक्शन खालामदों। बे सावथुननि दासिमनि कालेक्शनआव नोजोर होयोब्ला गिबि साननि उनाव लान्थिये कालेक्शनआ दावख्तायदों। नाथाय थेवब्लाबो सावथुनआ 4 सानआव 100 कौटि रंनि अनजिमाखौ बारनानै आथिखालाव 1.50 कौटि रंनि बायथियाव सौहैदों। खोरंनि बायदिब्ला रजनिकान्तनि सावथुनआ तामिल रावआव गोबां रंखौ कालेक्शन खालामदों। मानोना रजनिकान्तआ साउथआव गोबां मुंदांखा। बिखौ साउथनि सुपारस्टारबो बुंनाय जायो। बेवहाय रजनिकान्तनि अनगायै जेकि श्रफ, तमन्ना भाटिया, महनलाल आरो शिभ कुमार बायदि स्टारफोरा फाव खालामदों। बे सावथुननि तमन्ना

माहाम देहानि राहा

लंगन फिथाइआ आयरन बाडाइ जानायखौ होबथानानै मदत होयो

लंगन फिथाइआ गुबुन हादरयारि फिथाइ, नाथाय भारतआवबो बेखौ मोननाय जायो। बे फिथाइनि जर'खा बाश्राया बेनोदि, जेब्ला नोंथाडा बेखौ नुगोन अब्ला बेखौ लिमु बायदि हमदांगोन, नाथाय स्वाद आरो मुलाम्फायाव बेयो बेनिफ्राय गोबां आलादा। बे फिथाइयाव एन्टि-बेक्टेरिएल, एन्टि-भाइरेल आरो एन्टि-इनफ्लेमेटरी गुनखौ मोननाय जायो। बेनि अनगायै बे फिथाइआव गोबां रोखोमनि एन्टि-अक्सिडेन्टबो थायो, जाय नोंथानि देहानि थाखाय गोबां रोखोमनि हाबा मावो। बेयो नोंथांखौ लिस्थाय बाडाइ खालामनायाव मदद होनायनि अनगायै देहाजों सोमोन्दो गोनां गोबां जेनाफोरनिफ्रायबो रेखाथि होनो हायो। बेनि अनगायैबो बे फिथाइखौ जानायनि गोबां मुलाम्फा दड



एनाजि होयो आरो एनिमियायनि लैखोनफोरखौ बाडाइ खालामनाय एबा बेजों बारग'नायाव मदद होयो। (2) लंगन फिथाइआ एन्टि-बेक्टेरिएल गुनफोरजों बुंफबनाय। बेयो नोंथांखौ स्कीनजों सोमोन्दो गोनां गोबां जेनाफोरनिफ्राय रेखाथि आरो देहायाव बेक्टेरिएल इन्फेक्सनखौ बाडाइ खालामनायाव मदद होनो हायो। बेनि अनगायै बे फिथाइनि जर'खा बाश्राया बेबोदि, बेवहाय माखासे एन्टि-भाइरेल गुणबो थायो, जाय भाइरेल जाग्रा बेरामफोरनिफ्राय रेखाथि होयो। (3) एन्टि इनफ्लेमेटरी गुनफोरजों बुंफबनाय लंगन फिथाइआ नोंथांखौ देहानि सानाय आरो बुखांनयनिफ्राय रेखाथि होयो। जाय सुबुंफोरनि हाराफोरव बुखांनयनि जेना जायो एबा जाय सुबुंफोर हार सानायनि जेनाजों भुगिनांदों बेसोर सुबुंफोरनि थाखाय लंगन फिथाइखौ जानाया गोबां रोखोमनि मुलाम्फा होयो। बेयो देहायाव गरम जाहोयो आरो बुखांनयखौ बाडाइ खालामो। (4) भिटांमिन सिजों बुंफबनाय लंगन फिथाइआ नोंथांनि इम्युन सिस्टेमखौ गोखौ खालामनायनि हाबा मावो। बेनि अनगायै भिटांमिन सिआ देहायाव गुबुन मेटाबोलिक प्रसेसनि थाखायबो गोनांथार जायो। लोगोसेनो ब्रेनजों सोमोन्दो गोनां बेरामफोरनिफ्राय रेखाथि मोन्नो थाखायबो लंगन फिथाइखौ जानांगौ। जुदि नोंथाडा हेल्दिये थानो हास्थायोब्ला भिटांमिन सिजों बुंफबनाय लंगन फिथाइखौ जानांगौ।

सिरियाल कुटुम्ब'नि मुंदांखा जराया 8 बोसोरनि उनाव टिभिआव फेफिनसिगोन

एकता कापुरनि मुंदांखा सिरियाल 'कुटुम्ब' नि मुंदांखा जराया 8 बोसोरनि उनाव टिभिआव फेफिनसिगोन। बे सिरियालजोंनो बिसोर सानैनि जराया गोबां हिट जादोंमोन आरो लाभ स्टरिया जागायदोंमोन। बिसोर सानैआ एक्टिभ जानाई थादों, नाथाय लोगोसेयै जायखि जाया सिरियालआव गोलाव समसिम नुनो मोनाखै। नाथाय आथिखालाव बिसोर सानैआ लोगोसेयै गोबाव बोसोरनि उनाव सिरियालजों फेफिननो थाखाय थियारि जादों। खोरंनि बायदिब्ला बे सिरियालनि मुडा 'पशमीना' खौराड बेबोदि सिरियालनि श्रुटिआ आथिखालाव मुम्बाइयाव सोलिंगासिनो दड। नाथाय थाबैनो श्रुटिनि थाखाय हान्जाया काश्मीरआव ओंखारलासिगोन। इ टाइम्सनि रिपर्टनि बायदिब्ला बे स्विन सल'खौ काश्मीर आरो मुम्बाइनि गेजेरव नोजोर होनाय जागोन। हितेनखौ स्वआव मुम्बाइनि थागिबि आरो जुलि जाखानाय हौबानि फावआव नुनो मोनगोन। बिनखौ सासे फिसा थानायबो दिन्थनाय जादों। बियो काश्मीरआव दावबायहैगोन आरो बेवहाय बियो गुबुनजों रमान्स खालामगोन। फारसेथिं गौरिनि फावआ मा जागोन बेनि सोमोन्दै जेबो खौराड सोराडव फेयाखै। हितेन तेजवानि आरो



गौरि प्रधानआ 2004 नि 29 एप्रिलआव जुलि जादोंमोन। बिसोरो सम'सम सशेल मीडियाआव लोगोसेयै सावगारिफोरखौ शेयार खालामबाय थायो। बिसोर सानैनिया सानै फिसाफोर दड। वार्कफ्रन्टनि बाश्राखौ बुडोब्ला गौरिया गावनि केरियाखौ 'नुरजहां' सिरियालजों जागायदोंमोन। बेनि उनाव 'कुटुम्ब' सिरियालआ बिखौ मुंदांखा खालामदों। जोबथा खेव गौरिखौ 'तु आशिकी' सिरियालआव नुनो मोन्दोंमोन। फारसेथिं हितेन तेजवानिनि बाश्राखौ बुडोब्ला एक्टि केरियाखौ 'सुकन्या' सिरियालजों जागायदोंमोन।

सावथुन अएमजि-2 नि सिगाडव गादार-2 आ सुनामि बायदि फोरमान होदों

सानि देउलनि सावथुन गादार-2 आरो अक्षय कुमारनि अएमजि-2 खौ फेन्सफोर गोबां गोसो होसारनानै नेनानै दडमोन। मोननैबो सावथुनफोर 11 आगस्टआव रिलिज जादों। सावथुननि रिलिजनि सिगांनो सुबुंफोर गाव गावनि टिके टखौ बुक खालामदोंमोन। गोबां अन्जिमानि सुबुंफोर सावथुन नायनो सिनेमाहलफोराव सौहैदों। तारा सिं आरो सकिनानि उनि सल'गादार-2 आव आबुडै मोनसे गोदान सल'खौ दिन्थनाय जादों। सावथुनआ रिलिज जानायनि उनिफ्रायनो सावथुनखौ नायनो थाखाय सुबुंफोर होंगो दोंगो जादों। सिनेमा हलफोरा हाउसपुल जादों। मोननैबो सावथुनफोरा दोहौ गोनां जानायनि जाहोनाव सुबुंफोर एसे गोनो गोथो जादों, नाथाय थेवब्लाबो गादार-2 नि सल'आ



सुबुंफोरनि गिबि मोजां मोननाय जादों आरो बेयो अएमजि-2 नि सायाव गोहोम गोर्लैदों। मोननैबो सावथुनफोरा गोबां मोजां, नाथाय गादार-2 जों सुबुंफोर इमशन्सआ सरजाबना दड आरो 22 बोसोरनि उनाव फेफिननाय बे सावथुनखौ सुबुंफोरा नायनो थाखायबो गोबां उसु-खुथु जादोंमोन। बेनि गोहोया थोंजोडै रं आरजिनयनि सायाव गोर्लैदों। सिगांनिफ्राय जानाय बुकिंआ गादार-2 नो गोबां मुलाम्फा मोनहोदों। बेनिखायनो जागायजेन्याय 3 सानआव सावथुनआ मोजां रं आरजिनो हादों। फारसेथिं अएमजि-2 खौ नायग्राफोरबो बाडय जायाखै। नाथाय सानि देउलनि सावथुननि सिगाडव अक्षयनि सावथुनआ जादु दिन्थिनो हायाखै। बेबायदियाव बिसोर सानैनि सावथुननि रं आरजिनयनि गिदिर फारगथिखौ नुनो मोन्दों। गादार-2 नि 3थि साननि रं आरजिनयखौ नोजेर होयोब्ला सानि देउलनि सावथुनआ 52 कौटि रंखौ आर्जिदों। सावथुनआ नैथि सानआव 43.08 कौटि रंखौ आर्जिदोंमोन। फारसेथिं गिबि सानआव 40.1 कौटि रंखौ आर्जिदोंमोन। 3थि साननि गासै कालेक्शननि सायाव नोजेर होयोब्ला सावथुनआ 135.18 कौटि रंनि आरजिनयनि गिदिर फारगथिखौ

जनि लिभारआ मोनसे समआव बलिउड स्टारफोरनि मिमिक्री खालामना खोलोम फानोमोन

हिन्दी सावथुन इन्डास्ट्रीआव कमेडियन एबा मिनिहोप्रा सुबुंफोर दड। गासैबो समावनो सोरबा नडा सोरबा कमेडियनआ गोबां मुंदांखा जाबोदों आरो बिसोरनि मुंजोंनो सुबुंफोरनि महाराव मिनिनाय नुनो मोनो। नाथाय जों दिनें 90 जौथाइआव साग्लोबसारनानै थानाय सासे ओरैबायदि फावगिरिनि सायाव सावरायगोन, जाय दिनैसिमबो गोबां मिनिहोनो हायो। बे किं अफ कमेडियननि मुडांनो जादों जनि लिभार। फोरमायनाय बायदिब्ला 1982 आव जनि लिभारआ गावनि केरियाखौ जागायदोंमोन। सावथुननि मुडा 'दरद' का रिश्ता'मोन। स्क्रिनआव गावनि सिनायथि बानायनायाव बियो मोनसे गोलाव सम नांदोंमोन। 90 जौथाइयाव जेब्ला बियो मोनसेनि उनाव मोनसे



सावथुनफोरव फाव खालामो अब्लासो बियो मुंदांखा जादोंमोन। उनाव बियो लासैनो साग्लोबसारनानै थायो आरो साफ्रामबोनि गिबि मोजां मोननाय थायो आरो साफ्रामबोनि गिबि मोजां मोननाय जायो। नाथाय स्क्रिनसिम दावबायनाया जनि लिभारनि थाखाय गोरलै

खलम फाननो जागायदोंमोन। बै समाव बियो बलिउड सुपारस्टारफोरनि मिमिक्री खालामनानै खलम फानोमोन। आथिखालाव गासै मुलुगआवनो बिखौ जनि लिभार मुंजों मोनथियो नाथाय बेयो बिन नंगुबै मुं नडांमोन। बेनि सायाव मोनसे मख'जाथाव सल' दड। फोरमायनाय बायदिब्ला जनि लिभारनि बिफाया हादतनि गिदिर कम्पानि हिन्दुस्तान लिभारआव साखि मावोमोन आरो अफिसनि स्पेशेल हाबाफारिफोराव बलिउड स्टारफोरनि मिमिक्री पारफर्मन्स खालामोमोन। बे समावनो बेवहायनि सुबुंफोर बिन मुंखौ कम्पानिनि मुडाव जनि लिभार दोनो। बिन नंगुबै मुडाव जन प्रकाश राव जनुमाला।

खारलुं बिजय माल्या आरो निरब मदिखौ दैथाइ हरनायनि सायाव ब्रिटेइनआ गिदिर थांखि फोसावदों

गोदान दिल्ली, 14 आगस्ट : भारतनिफ्राय रोजा-रोजा कौटि रं लानानै गुबुन हादतआव थाहैनाय खारलुं बिजय माल्या आरो निरब मदिनि जेनाया बांसिन जानो हासिगौ। ब्रिटेइनआव खारखोमाना थाहैनाय बिसोर खारलुंखौ हादतआव दैथाइहरफिन्नाय आयदाखौ लानानै भारतआ इउके नि खाथियाव जिं गा फोरमायनायनि उनाव ब्रिटेइनआ गिदिर थांखि फोसावदों। ब्रिटेइननि रैखाथि मन्थि टम थुगेंदाहातआ आरबपति खारलुं बिजय माल्या आरो निरब मदिखौ दैथाइहरनांगौनि थाखाय भारतआ नारसिन्नायनि गेजेरव बुडेदि, औरैबायदि हादत जानो थाखाय गावसोरनि हादतहा थांखि गैया, जेव ब्रिजिनारयनि बे'खनआव फे नायनिफ्राय बारग'नो थाखाय सुबुंफोरा थाखोमाहैयो। मन्थि टमआ बबेबा जर'खा केसनि मुंमख'वा लासे बु'दोंदि, हादतआव दैथाइहरफिन्नाय केसफोराव आइनारि हाबाफारिखौ फालिनांगौ। दसेबो हादतआ आइनारि हाबाफारि दड; जायखौ 10-12 आगस्टसिम भारतआव



फालिनाया गोनांथार। नाथाय ब्रिटेइन सरकार रोखा खालामना होयोदि, गावसोरनि हादतआ दायनिगिरि खारलुंफोरनि बिजिनारयनिफ्राय बारग'नो थाखाय थाखोमा हैग्रा जायगा जानायनि जेबो थांखि गैया। मन्थिया ब्रिटेइनआव थाहैनाय माल्या आरो निरब मदिजों लो गोसे माखासे आरबपतिफोरखौ हादतआव दैथाइहरनो भारतनि दाबि दैखानायजों लोब्बा गोनां मोनसे सोंथिनि फिन्नाय होनायाव बेफोर बाथ्राखौ बुडे। मख'जाथावदि, कलकतायाव खुंनया जि-20 गेना-खाथिनि हेंथा मन्थि थाखोनि जथुमायाव ब्रिटेइननि रैखाथि मन्थि टम थुगेंदाहातआ बाहागो लाफेना आइनारि हाबाफारि दड; जायखौ 10-12 आगस्टसिम भारतआव



दावबायफेदोंमोन। बिथाडा भारतनि गुबुन हादतयारि मन्थि जय शंकर आरो माहारियारि रैखाथि बोसोनगिरि अजित दहाजोंबो दिल्लीयाव लो गो हमना सावययदों। हादतनिफ्राय खारना थाहैनाय हिग फालांगिरि निरब मदिआ भारतआव गेना-

खाथि आरो रं लुथिनयानि के सआव दायनिगिरि। 52 बोसोरनि निरबआ 2 आरब डलारनि पान्जाब नेशनेल बेंकनिफ्राय लन गेना-खाथि के सआव भारतआव दैथाइहरनायनि हेंथायै ब्रिटेइननि सुप्रिम कर्टआव थांनया बोसोरव गावनि केसआव जेनांदोंमोन। मख'जाथावदि, बिजय माल्याआ 2016 नि मार्चआवनो ब्रिटेइनआव खारनानै थाहेंदों। बिहा भारतआव किफिसार एयारलाइन्सो गोबां बेंकफोरनिफ्राय हसनाय 9 रोजा कौटि रंनि लनखौ सुख'थैनि के सआव दायनिगिरि गनायथिजादों।

ह्वाइ द्वीपनि अर खामनायाव जेफ बेजस आरो लरेन सान्चेजआ मदत होनो आवगायबोदों

गोदान दिल्ली, 14 आगस्ट : आमेरिकानि प्रशान्त लैथोमानि गेजेरव थानाय द्वीप हान्जानि माउइआव नानाय हाग्रानि अरजों जोबस्रानायनि नुथाइखौ नुनो मोनगासिनो दड। बेबायदि अरा माखासे बोसोरनिफ्रायनो नाडखै। बे अरनि जाहोनाव दासिमाव सा 80 सुबुंफोरनि जिउ ख'हा जानायनि खौरं मोन्या जादों। बेनि गेजेरजों मुलुगनि बयनिखुइ धोनि फालांगिरि जेफ बेजस आरो बिनि जुलिनि रदाय खानाय लरेन चेजआ अरजों सिलिंखार जानाय माउइ काउन्टिनि थाखाय 10 कौटि डलार एबा भारतयारि



राडव गासै 830 कौटि रं दान होनो थांखि लायो। दाननि बे रंजों माउइनि रिक्न्ट्रक्शनयाव खरसा खालामनाय जागोन। आमेरिकानि ह्वाइ द्वीपनि माउइ काउन्टिआव थांनया सानफोराव गिखंथाव अर नांदोंमोन, जायजों गासै ओन्सोला सिलिंखार जायो। अर नानायनि जाहोनाव सा 90 सुबुंफोरनि जिउ ख'हा जायो। लरेन सान्चेज बेजसनि ओंथिया फान्डीन भाइस सियारपारसनि। बिथाडा सशेल मिडियाआव मोनसे पस्ट शेयार खालामो, जेव फोरमायोदि, जेफ आरो आं माउइनि जोबस्रानायजों दुख मोन्दों। जों

बै नख'रफोरनि सोमोन्दै सानगासिनो दड, जायफोरा गावनि गोबांखौनो खोमाना लानांदों। बिसोरहा आथिखालाव गोबां गोनांथि होदों आरो न'आव थाहैफिननायनो गोनांथि दड। बेबायदियाव जेफ आरो लरेना मोनसे माउइ फान्डीन बानायदों, जायनि गेजेरजों माउइनि सुबुंफोरनो मदतनि थाखाय 10 कौटि डलार खरसा खालामनाय जागोन। बे मदतजों माउइआ गावनि आथिडाव गसंनो हागोन। अमेजननि एग्जिकुटिभ सियारसेन जेफ बेजसनिबो माउइ काउन्टि

ओन्सोलाव 14 एकड़ हायाव गोसारबाय। जाय ओन्सोला अरजों सिलिंखार जादों, बियो जेफ बेजसनि न'निफ्राय गासै 20 माउइनि गोजानाव दड। माखासे गुबुन सेलेब्रिटीजआबो माउइनि सुबुंफोरनो मदत होनो थाखाय आखाय फोलावहरदों। मुंदांखा दिन्थिफुंगिरि अफ्रा विनफ्रेआबो माउइआव थायो आरो बिथाडा शेल्डर हमाव थाबाय थाग्रा सुबुंफोरनि साफ्रोमबोनि गोनांथिफोरखौ मदत होदों। माउइआव दासिमबो अर नांगसिनो दड, जायखौ सामलायनो नाजागासिनो दड। थांनया 8 आगस्टआव माउइयाव नानाय अरा आमेरिकानि थांनया 100 बोसोरनि जारिमिनाव नैथि बयनिखुइ देरसिन मिथिंगायारि अलखद। बेनि सिगां थांनया 2018 नि नभेम्बर दानाव के लिफनिनियानि के म्प फायारआवबो गिखंथाव अर नांदोंमोन।

किम जं उनआ मिसाइलजों लो गोसे हाथियार दिहुन्थाइखौ बांसिन खालामनो बिथोन होदों

सियल, 14 आगस्ट : सा करियानि दैदेनगिरि किम जं उनआ मिसाइल आरो कामानफोरनि गुलि बारुद दिहुन्थाइखौ बांसिन खालामनो बिथोन होदों, जाहाथे हादतआ गोखों सान्थियारि गोहोजों रैखाथियै थानो हायो आरो दावहानि थाखाय थियारि जानानै थानो हायो। रइज्यो मिडिया के सिएनएनि समबाराव मिबंथिहोनाय बायदिल्ला, किम जंआ वे बिथोनखौ बै समाव होयो जेब्ला बिथाडा थांनया शुक्रबार आरो शनिबाराव मिसाइल, मिसाइल आन्जाद नायग्रा प्लेटफर्मफोराव, हाथियारजों लेस गारिफोर आरो कामानफोरनि गुलि बानायग्रा गाहाइ फे क्टरिफोराव दाव बाय है दों मोन। नायगिदिहैनायाव किम जं उनआ बांसिन बिबां आव हाथियारफोरखौ दिहुनो बिथोन होयो। मख'जाथावदि, किम



जंआ खोला करिया आरो आमेरिकानि जुथायै बोसोरि सान्थिनि हुदा खालामनाय हाबाफारिया जागायनायनि माखासे सान सिगांनो हाथियार दिहुनग्रा कारखानाफोराव नायगिदिहैदों। सा करियाआ बे जुथाइ हुदाखौ दावहानि सिगां हुदा खालामनाय नोगौरै नायदों। किम जं उनआ गिदिर केलिबार माल्टिपोल रकेट लन्चर राउन्डनि थाखाय दिहुन्थाइ लाइनफोरनि मडानइजेशनआव बावैसो सिगां जौगाखां होनायखौ बाखायदों। बिथाडा बुंदोंदि, गिबि सारिनि कामान फसंथानफोरखौ गोखों

खालामनायनि थाखाय बेबायदि रकेट दिहुन्थाइखौ गोखोंसिन खालामनायनि गोनांथि दड। जायखि-जाया समावनो जानो हाथाव जायखि-जाया दावहाजों जुजिनयानि थाखाय गोखों सान्थियारि गोहो आरो थियारिफोरखौ रोखा खालामना लानांगोन, जाहाथे सुथुरआ सान्थि हान्जाखौ बाहायनो साहज दिन्थिनो हाया आरो गाग्लोबोब्लोबो गोखोडै बिसोरखौ सिलिंखार खालामनो हानाय जानांगोन होन्नाबो बिथाडा बुडे।

पिअकेआ पाकिस्ताननि उदांस्त्रि साननि हेंथायै गोसोम सान फालिदों

गोदान दिल्ली, 14 आगस्ट : पाकिस्तानआव दिने 14 आगस्टआव उदांस्त्रि सान फालिनाय जायो। पाकिस्तानआ गावनि बाहागो होना दखलाव लानाय पिअके आव दिने पाकिस्ताननि उदांस्त्रि सानखौ फालिनो नेवसिदों। बैयावनि गोबां राजखान्थियारि मावफारियाफोर आरो लाइमोन आफदाफोर पाकिस्ताननि हेंथायै दिने 'ब्लेक डे' फालिदों। मख'जाथावदि, 1947 नि 14 आगस्टआव भारतनिफ्राय सानसे सिगां पाकिस्ताना इराजफोरनिफ्राय उदांस्त्रि



मोन्दोंमोन आरो दिने पाकिस्ताना गावनि 76 उदांस्त्रि सान फालिदों। नाथाय गावनि आंगो बाहागो होना दखल खालामना लानाय पिअके आव पाकिस्ताननि उदांस्त्रि सानखौ फालिनाय जायाखै। पिअकेनि सुबुंफोरा पाकिस्तान सरकारनि इनाइ-अनागारफोरनि बेरखायै उदांस्त्रि सानखौ ब्लेक डे महरै बैयाव फालिदों। एएनआइनि मोनसे रिपर्टनि बायदिल्ला पिअके नि मुजाफफराबाद जिल्लयाव पुलिसआ सशेल मिडियाआव जेंना गोनां पाकिस्ताननि हेंथा पस्ट होनायनि थाखाय माखासे सुबुंफोरखौ हमदों आरो हेरेस

खालामदों। पुलिसआ पिअके आव हमजानाय सुबुंफोरखौ पाकिस्ताननि बेरखा पस्टखौ बोखारनो आरो हादतनि थाखाय मोजां बिबुंथि होनो थाखायबो नारसिदों। पिअकेनि थागिबिफोरा पाकिस्तान सरकारनि अनागारफोरनि हेंथायै गोखों धनाबो होदों। बेनि अनगायै खोला पाकिस्ताननि हिंसाजों गोहोम गोल्लैनाय राइज्यो बलुचिस्ताननि सुबुंफोराबो 14 आगस्ट (पाकिस्ताननि उदांस्त्रि सान) आव ब्लेक डे फालिदों। बेनि अनगायै बिसोर 15 आगस्टखौ मोनसे गेदेर सान महरै फालिनो थांखि लादों।

15 आगस्टनि सिगां आइएसआइनि खैसार



श्रीनगर, 14 आगस्ट: काश्मीरआव उतखारि हाबाफारिफोरनि सायाव होबथानायजों पाकिस्तानआ आरोबाव खेबसे काश्मीरखौ उतखारिफोरनि सायाव सोलायहोनो गोदान खैसार सादों। जर'खा बाथ्राया बेनो दि, बे खैसार सानायाव पाकिस्तान उतखारिनि बै महरफोरखौ बाहाय गासिनो दड; जाय गासै हायेनाव गिखंथाव थासासि सोमजिहोदोंमोन। अदेबानि पाकिस्ताननि सान्थि आरो बेयावनि संगालि एजेन्सि आइएसआइआ बे खैसार सानायनि ब्लुप्रिन्ट थियारि खालामदों। बेखौ हिजबुलनि डिभिजनल कामान्डारखौ एनकाउन्टर खालामनायनि उनाव मिथिनो मोन्दों। आइएसआइनि खैसार सानायनि गेजेरजों काश्मीरनिफ्राय खारनानै पाकिस्तानाव थांनया उतखारिफोरखौ हायेनाव गिखंथाव थासासि गोसार होनो थाखाय दैथाइहरगासिनो दड। आथिखालाव आइएसआइआ जम्मु-काश्मीरनिफ्राय गोबां बोसोर सिगां पाकिस्तानयाव थांनया गावसोरनि गोजाम फोथाइजाथाव उतखारिफोरनि मदत लानो नाजागासिनो दड'। सुलुनि बायदिल्ला, हिजबुल मुजाहिदिनि डिभिजनल कामान्डार, मुनिर हुसेनआ थांनया 1993 याव पाकिस्तानआव थांदोंमोन। नाथाय बियो काश्मीरव हाबफेफिनानै उतखारि गोसार होनो खैसार सादों। आथिखालाव बिखौ गावथारबाय लो गोसे भारतआरि सान्थिआ पाकिस्ताननि गोदान टेरेर प्लानखौ डिकड खालामो। सान्थिफोर मिथिनो मोनो दि, उतखारिनि गलाया दबथानायनि उनाव पाकिस्तानआ गावसोरनि गोजाम उतखारिफोरखौ काश्मीरआव दैथाइ हरनो नाजागासिनो दड'। 15 आगस्टनि सिगां पाकिस्ताननि बे टेरेर प्लानखौ मिथिनो मोननायनि उनाव भारतआरि सान्थिया काउन्टर अपारेसननो जागायो। बेनि गेजेरजों हायेनाव थाखोमानाय गोजाम उतखारिफोर, बिसोरनि बोसोनगिरिफोर आरो लजिस्टिक प्रभाइड खालामग्रा सुबुंफोरखौ नागिरासिनो दड'।

लेन्डस्लाइडजों सा 21 सुबुंफोरनि जिउ ख'हा, सा 6 गोमानानै दड



बेइजिं, 14 आगस्ट : चीनि शिआव ओन्सोलाव गोबां अखा हानायनि जाहोनाव लेन्डस्लाइड जायो। बे जाथायाव सा 21 सुबुंफोरनि जिउ ख'हा जायो आरो सा 6 सुबुंफोर गोमायो। जायगानि मिडियायनि बायदिल्ला, लेन्डस्लाइड आरो दै बानायाव मोनसे साइवेआवो ख'हा जायो आरो सहराव गासै

गं 900 न'फोरनि मोब्लिबआ ख'हा जायो। आथिखालाव चीनआव अखानि जाहोनाव अनशनजों लो गोसे गाहाइ सहरफोरव दासिमबो दै बानानि अलखद सोमजियो। रिपर्टनि बायदिल्ला जुलाइ दानाव दै बाना आरो लेन्डस्लाइडनि जाथाइजों 142 सुबुंफोरनि जिउ ख'हा जायो आरो सा 980 सुबुंफोर

गोमायो। शिआननि इमारजैन्सि मेनेजमेन्ट ब्युर' बुंनया बायदिल्ला, बिसोर सैमाफोरनि हेफाजाबजों सा 980 गोमानाय सुबुंफोरखौ नागिरासिनो दड। सुलुनि बायदिल्ला, चीनआव सोलिबाय थानाय दै बाना आरो लेन्डस्लाइडनि जाथायफोरा खानुन बारहुंखानि जाहोनाव जागासिनो दड। खानुन

बारहुंखाया बेनि सिगां खोला करिया आरो जापानआव सौहेंदोंमोन। आथिखालाव बे बारहुंखाया चीनआवबो लोरबां जादों। चीनआव खानुन बारहुंखा फे नायनि सिगां डकसुरि बारहुंखाया जोबस्रानाय लाबोदोंमोन। आथिखालाव सुबुंफोर बै बारहुंखानिफ्रायनो बारग'नो हायाखै आरो मोनसे बारहुंखाजों भुगिनाडे। चीनआव थांनया 70 बोसोरनि अखानि रिक्ट'आ बायो। राजथावनि बेइजिंआव बयनिखुइ बांसिने 257.9 मिलिमिटर अखा हानायखौ दिखानो मोन्या जायो। बेनि एसेबां गोखों अखाया थांनया 1952 याव हादोंमोन। आथिखालाव रेक्सु वाकारफोरा दासिमाव 1 लाखनिखुइ बांसिन सुबुंफोरखौ रैखा खालामनानै रैखाथि गोनां जायगायाव दैथाइ हरबाय।

डलारजों रुजुनायाव रंआ 25 फैसा दावखलायदों



गोदान दिल्ली, 14 आगस्ट: डलारजों रुजुनायाव भारतीय रंआव समबारनि जागायजेनाय फालांगिआव 25 फैसा दावखलायो आरो 83.07 आव सौहैयो। गोथां थावनि बेसेनआव दावखोनाय आरो डलारआ गोखोंसिन जानायखौ डलारनिफ्राय रंआव दावखलायनायनि जाहोन होन्नानै बुंनया जादों। एरेक्स ट्रेडसनि बुंनया बादिल्ला, गोखों डलार आरो गुबुन हादरयारि इन्भेस्टफोरनि फान्डी उइइनि गोहोमखौ रंआव नुनो मोन्दों। इन्वर्बेक फेन एक्सेन्जनि बादिल्ला, डलारनि रुजुनायाव रंआ 83.04 आव जागायदोंमोन, जायनि उनाव 83.07 सिम दावखोयो। बे समाव रंआव 25 फैसा दावखलायदों। थांनया शुक्रबारखालि 16 फैसा दावखलायनानै 82.82 रंआव बन्द जादोंमोन। मुलुगनि मोन 6 गोखों रंखान्थिफोरनि हेंथायै आमेरिकान रंखान्थि थासासिखौ दिन्थिया डलार इन्वेक्सआबो 0.17 जौखोन्दो बानानै 103.01 आव सौहैयो। गोथां थावनि बेन्मार्क ब्रेन्ट क्रुडआ 0.89 जौखोन्दो दावखलायनानै मोनफ्रोम बेरलआव 86.04 डलार जायो। दिने 30 शेयारफोरनि सेन्सेक्स 484.37 अन्जिमा एबा 0.74 जौखोन्दो दावखलायनानै 64,838.28 आव आरो एनएसइ निफटीआ 151.85 अन्जिमा एबा 0.78 जौखोन्दो दावखलायनानै 29,276.45 आव गेवजेनो।

बेइजिं, 14 आगस्ट: चीनि शिआव ओन्सोलाव गोबां अखा हानायनि जाहोनाव लेन्डस्लाइड जायो। बे जाथायाव सा 21 सुबुंफोरनि जिउ ख'हा जायो आरो सा 6 सुबुंफोर गोमायो। जायगानि मिडियायनि बायदिल्ला, लेन्डस्लाइड आरो दै बानायाव मोनसे साइवेआवो ख'हा जायो आरो सहराव गासै

इसर'आ सानखौ नायबिजिनो आदित्य एल 1 खौ लन्चिनि थाखाय थियारि खालामबाय


बेंगलुरु, 14 आगस्ट: भारतीय अखामा एजेन्सि इसर'नि सान मिशन आदित्य एलनि लन्चिनि हाबाफारिया आबुडै थियारि जाबाय। इसर'आ फोरमायदोंदि, आदित्य एल 1 खौ अन्ध प्रदेशनि श्रीहरिकटा स्पेसपोर्टसिम लांखोबाय आरो फेगो सेपेतेमबर दाननि सिगां सप्ताहयाव आदित्य एल 1 खौ लन्च खालामनो हागौ। मख'जाथावदि, आदित्य एल 1 खौ इसर'नि इउआर रव सेटेलाइट सेन्टरआव बानायनाय जादों, जेवनिफ्राय लन्चिनि थाखाय बेखौ श्रीहरिकटासिम लादों। बेयो सानखौ नायबिजिनयनि थाखाय इसर'नि गिबि मिशन। आदित्य एल 1 खौ सान-बुहुम सिस्टेमनि लेंग्रेड पइन्टनि साखाथियाव हाल' अर्बिटआव दोनहसनाय जागोन। बेयो बुहुमनिफ्राय 15 लाख किल'मिटर गोजानाव



दड। इसर'आ फोरमायदोंदि, एल 1 पइन्टनि साखाथियाव हाल' आर्बिटआव सेटेलाइटखौ दोनहसनायनि बयनिखुइबो देरसिन मुलाम्प



অসম চৰকাৰ



Initiating a new era of growth and development

As Assam achieves the milestone of supplying drinking water to more than 50% of the rural population, Jal Jeevan Mission calls upon all stakeholders to join hands to ensure sustainability of the Water Supply Schemes for the next 30 years through

Jal Jeevan Sanmilian

CHIEF GUEST
Dr Himanta Biswa Sarma
Chief Minister, Assam



In august presence of

Shri Jayanta Mallabaruah
Minister, Public Health Engineering, Tourism etc., Assam

Smt Ajanta Neog
Minister, Finance, Women & Child Development, Assam

Shri Kamakhya Prasad Tasa
MP, Raja Sabha

Shri Topon Kumar Gogoi
MP, Jorhat

Shri Hitendra Nath Goswami
MLA, Jorhat LAC

Smt Renukoma Rajkhowa
MLA, Teok LAC

Shri Rupjyoti Kurmi
MLA, Mariani LAC

Shri Bhabendra Nath Bharali
MLA, Dergaon LAC

Shri Bhaskar Jyoti Baruah
MLA, Titabar LAC



Third State Conference

SURVEY OF TAP CONNECTIVITY IN THE STATE

JAL JEEVAN SANMILAN WILL COVER


- Partnering villagers
- Members of Water Users' Committee
- Jal Mitra
- Jal Doot
- Members of Gaon Panchayats, representatives of schools and Anganwadis

AMRIT JAL SCHEME

- 20 litre package
- An innovative effort to provide clean drinking water

BENEFITS

- It will solve the requirement of clean drinking water at government functions, disasters or emergencies and public meetings



INAUGURATION OF 60 RURAL DRINKING WATER SUPPLY SCHEMES UNDER JAL JEEVAN MISSION

Sl. No.	Name of the scheme	Sl. No.	Name of the scheme
1	Napamgaon Water Supply Scheme	31	8 No. Spar Water Supply Scheme
2	Bangaligaon Water Supply Scheme	32	Sinai Chuk Water Supply Scheme
3	Kapila Ganakar Water Supply Scheme	33	Bormukoli Water Supply Scheme
4	Balama Natun Water Supply Scheme	34	Bakra Miri Water Supply Scheme
5	Mudojan Chapori Water Supply Scheme	35	Kasamari Water Supply Scheme
6	Teok Grant Water Supply Scheme	36	Bachipathar Water Supply Scheme
7	Balamabagan Water Supply Scheme	37	Choklating Habigaon Water Supply Scheme
8	Natun Jalukoni Water Supply Scheme	38	179 Mohbandha Grant 1 Water Supply Scheme
9	Namchuk Water Supply Scheme	39	Hatkholia Micro Water Supply Scheme
10	Satpukhuri Water Supply Scheme	40	Jungle Ghara Micro Water Supply Scheme
11	Ghorachuwa Water Supply Scheme	41	Changuri Water Supply Scheme
12	Bhomoraguri Miching Water Supply Scheme	42	Satriya Water Supply Scheme
13	Sonariati New Water Supply Scheme	43	Velaguri Tea Estate Water Supply Scheme
14	Arunamukhchuk Water Supply Scheme	44	Dalim Khanikar Tea Estate Water Supply Scheme
15	Nagadera Water Supply Scheme	45	Kasajan Tea Estate Water Supply Scheme
16	Umabari Water Supply Scheme	46	Syedbari Tea Estate Water Supply Scheme
17	Naginjan Water Supply Scheme	47	Rangajan Tea Estate Water Supply Scheme
18	Manomay Basti Water Supply Scheme	48	Bamungaon Water Supply Scheme
19	Bahikhowa Water Supply Scheme	49	Bagiaai Satra Water Supply Scheme
20	Diha Tea Estate Water Supply Scheme	50	Chekuria Water Supply Scheme
21	Rajoi No. 2 Water Supply Scheme	51	Gariachalang Water Supply Scheme
22	Rajoi No. 5 Water Supply Scheme	52	Gariachalong Miching Water Supply Scheme
23	Vijay Bahani Chowk Micro Water Supply Scheme	53	Tekelagaon Water Supply Scheme
24	Damayanti Line Water Supply Scheme	54	Elengi Namchungi Water Supply Scheme
25	Akhaidicha Basti Water Supply Scheme	55	Teliapatti Water Supply Scheme
26	Hatkholia Naragaon Water Supply Scheme	56	Milanpur Water Supply Scheme
27	Lukhurakhan Water Supply Scheme	57	Letekubasti Water Supply Scheme
28	162 Jalukni Water Supply Scheme	58	Deoghari Pathar Shyam Water Supply Scheme
29	Khanikar Tea Estate Water Supply Scheme	59	Deoghari Pathar Shyam Gohain Gaon Water Supply Scheme
30	Majkuri Water Supply Scheme	60	Mandalgaon Water Supply Scheme

Total Functional Housing Tap connection [Total Beneficiary Families]

12,500

Total Expenditure

₹ 73 Crore

Wednesday, August 16, 2023

1 PM

Near Na-Ali Flyover, Jorhat

Janasanyog/DF/1119/23